

玉海



040

1000:59

34867

玉海卷第一百四十八

浚儀王應麟伯厚甫

兵制

馬政上

古者牧養之馬有養之官有藏之於民管民通牧者周也牧於民而用於官者漢也牧於官而給於民者唐也

黃帝馬師

列仙傳

劉向撰

馬師皇者黃帝馬師

淮南子黃帝治

天下飛黃服皂

呂氏春秋乘雅作駕寒哀作御

夏九代馬

山海經大樂之野夏后啓於此舞九代馬乘兩龍
文選王元長序夏后兩龍載驅璿臺之上注良曰夏
后啓有馬號爲兩龍乘游於璿臺之上以饗諸侯百
官也

殷牧師

後漢西羌傳殷太丁之時周季歷復伐燕京之戎後
二年周人克余蘇之戎於是太丁命季歷爲牧師季
歷文王之父也注竹書紀年曰太丁四年周人伐余
無之戎克之周王季命爲殷牧師秦紀費昌爲湯

御太戊使中行爲御

呂氏春秋伊尹說湯曰青龍

之匹遺風之乘

注馬名

詩出車我出我車于彼牧矣

注出車就馬於牧地我殷王也

禹貢萊夷作牧注可

以放牧

紀夏戎事乘驪殷戎事乘翰周乘騶夏駱馬

黑鬣殷白馬黑首周黃馬蕃鬣

疏魯有三代之馬

宋志夏

馬駟殷馬駱周馬騂

周十二閑 六廄 馬政

夏官校人中大夫二人上士四人下士十有六人

注校

人馬官

掌王馬之政

注政謂差擇養乘之數也月令曰班馬政左傳昭公二十七年

楚都君子及王馬之屬

辨六馬之屬種馬一物戎

馬一物齊馬一物道馬一物田馬一物駑馬一物

路玉

駕種馬戎路駕戎馬金路駕齊馬象路駕道馬田路

駕田馬駑馬給官中之役詩車攻我馬既同注宗

廟齊豪尚純也戎事齊力尚強也田獵齊足尚疾也

魯頌正義天子戎路無餘故甲於象路戎馬尚強

故先於齊馬詩六月比物四驪注毛物也正義戎

車雖以齊力為主亦不厭其同色故曰駟駟彭彭又

曰乘其四騏田獵齊足而曰四黃既駕皆同色也無

同色者乃取異毛騏駟是中駟驪是驂是也駟人

國馬之駟注國馬謂種戎齊道馬高八尺凡頒良馬而養乘之乘馬一師

四圍三乘為皐皐一趣馬三皐為繫繫一馭夫六繫

為廩廩一僕夫六廩成校校有左右駑馬三良馬之

數麗馬一圉八字之誤麗一師八師一趣馬八趣

馬一馭夫良善馬五路之馬鄭司農云四匹為乘養

馬為圉康成謂二耦為乘自乘至廩具數

二百一十六匹易乾爲馬此應乾之策也至校變言成者明六馬各一廢此云大馬者蓋合天下駕馬三
分之一言之自此而三馬小備也校有左右則良馬
一種者四百三十二匹五種合二千一百六十四匹
馬三之則爲千二百九十大匹五良一駕凡三千四
百五十六匹然後王馬大備詩云駉牝三千此謂王
馬之大數與麗偶也駉馬自圉至馭夫凡馬千二十
四匹與三良馬之數不相應人皆爲六字之誤也師
十一匹趣馬七十二匹則馭夫四百三十二匹
然後而三之無僕夫者不駕於五路卑之也 天子

有十二閑

每廄爲一閑

馬六種邦國六閑

晉六

馬四種家

四閑馬二種

諸侯無種戎而有齊道田驚大大有田馬具駕馬皆分爲三

魯頌傳有良

戎而無齊道

戎而無齊道

凡馬特居四之一春祭馬祖執駒

馬祖天夏

祭先牧頌馬攻特

先牧始養馬者

秋祭馬社臧僕

馬社始乘馬者臧僕

謂簡練馭者世木相士作乘

冬祭馬步獻馬講馭夫

馬步神爲凡

大祭祀朝覲會同毛馬而頒之軍事物馬而頒之馬

齊其色物
為齊其力

趣馬

下士卑一人

掌贊正良馬而齊其

飲食簡其六節

注差王馬以為六等
立政趣馬小尹庶常吉士

書

巫馬

下

士二人醫四人

掌養疾馬而乘治之

牧師

下士四

人掌牧地皆有厲禁而頒之孟春焚牧中春通淫掌

其政令凡田事贊焚萊

廋人

下士闕二人

掌十有

二閑之政教以阜馬佚特教駢

音

攻駒及祭馬祖祭

閑之先牧及執駒散馬耳圉馬

九者皆
有政教

正校人員選

校人謂
師圉也

馬八尺以上為龍

月令駕
蒼龍

七尺以上為騂

詩

北三

六尺以上為馬

圉師乘一人

四馬

掌教圉人

養馬春除葦鬻厥始牧夏序馬冬獻馬

葦馬茲也馬既出而除之

新鬻馬神之也序昔雅序廡所以庇馬涼也

圉人良馬匹一人騶馬麗

一人也麗糶

掌養馬芻牧之事以役圉師凡賓客喪紀

牽馬而入陳厥馬亦如之

周秩官曰司馬陳芻注同馬掌帥圉人養馬故陳

芻周制曰國有郊牧注牧教之地載帥有牧田

馬質中士二人掌質馬

馬量三物曰戎田騶皆有物賈綱惡馬禁原蠶

江天文辰

為馬蠶書蠶為龍精

馭夫分公馬而駕治之

注乘調六種之馬

秋

官癩隸掌役校人養馬

月令仲夏班馬政

養馬之政教廣

人職口掌十有二開之政教其色度其力使同業也

季秋班馬政命僕及七駟咸駕

謂齊

周官馬政養之以阜乘廐校視之以圉牧廋巫設祖
物杜步之祭以謹其本時出入游靡之節以宣其性
情分房棧牝牡之別以一其種嚴攻講刻剔之策以
旣其才又為之禁原驅蠶網惡去害 春祭房星尊
祖也夏祭先牧尚養也秋祭馬杜敬乘也冬祭馬步
存祖也 禴之秣之斯馬斯才既伯既禱有駉有容
芻秣之式掌于太宰以馬名卿列于夏官 駟駟彭
彭武王所乘駟賦孔阜秦襲以田是齊色不專宗
廟

詩正義十旌傳驂馬五轡王肅云古者一轅之車駕

三馬則五轡其大夫皆一轅車夏后氏駕兩謂之麗
殷益以一駢謂之駟周人又益一駢謂之駟本從一
驂而來亦謂之驂王基云商頌約軹錯衡八鸞鏘鏘
則殷駕四不駕三也又異義天子駕數易孟京春秋
公羊說天子駕六毛詩說天子至大夫同駕四士駕
二詩之四驥彭彭武王所乘龍旂承祀六轡耳耳魯
僖所乘四牡駢駢周道倭遲大夫所乘禮王度記天
子駕六諸侯與卿同駕四大夫駕三士駕二庶人駕
一說與易春秋同周禮校人乘馬一師四圉四馬爲
乘此一圉養一馬而一師監之也尚書布乘黃朱言

獻四黃馬朱鬣也既周天子駕六則校人何不以馬
與圉以六爲數諸侯何以不獻六馬王度記曰大夫
駕三經傳無所言是自古無駕三之制也詩吉日
庚午䟽必用午日者蓋於辰午爲馬故也無羊䟽
擬駕用者屬牧師令生息者屬牧人

周戎馬

左傳成元年三月作丘甲注周禮九夫爲井四井爲
邑四邑爲丘丘十六井出戎馬一匹牛三頭四丘爲
甸甸六十四井出長轂一乘戎馬四匹牛十二頭甲
士三人步卒七十二人此甸所賦今魯使丘出之正

義注多是司馬法而以周禮冠之以司馬法祖述周禮所陳卽周法也司馬法六尺爲步步百爲畝畝百爲夫夫三爲屋屋三爲井四尺爲邑四邑爲丘丘有戎馬一匹牛三頭是曰匹馬丘牛四丘爲甸甸六十四井出長轂一乘馬四匹牛十二頭甲士三人步卒七十二人戈楯具謂之乘馬鄭注論語云司馬法成方十里出革車一乘注小司徒云成出革車一乘甲士十人徒二十人與此不同者謂公卿大夫畿內采地之制此謂諸侯邦國出軍之法甸卽乘也六十四井出車一乘故以甸爲名

書周官注夏官卿主戎

馬之事掌國征伐 詩秦四驥四馬既閑正義四種
之馬諸侯無種戎四馬當八轡言六轡者以驂馬內
轡納之於缺故在手唯六轡聘禮云賓覲總乘馬注
云總八轡牽之贊者謂步牽馬故八轡皆在手也大
叔于田言六轡如手謂馬之進退如御者之手爲御
之良此言在手謂不假控制爲馬之良 曲禮前有
車騎則載飛鴻疏古人不騎馬經典無言騎者今言
騎是周末時禮 陸氏曰古稱黃帝以車戰蚩尤以
騎戰又齊魯相遇以鞍爲几則軍之有騎尚矣 詳見後

周八駿

圖

穆天子傳癸酉天子命駕八駿之乘右服馱騶而左
馱耳右駿赤馱右驥而左白籥天子主車造父爲御
商商爲右次車之乘右服渠黃而左踰輪右駿盜驪
而左山子柏天主車參伯爲御奔戎爲右至于黃澤
官樂謠曰黃之池其馬歎沙皇人威儀黃之澤其馬

歎玉皇人壽穀

列子周穆王肆意遠遊命駕八駿

之乘左服馱

華字

騶而右綠耳右駿赤驥而左白縹

古義

字

主車則造父爲御商

秦字

商字

爲右次車之乘右服

渠黃而左踰輪左駿盜驪

卽織離

而右山子柏天主車

參百爲御奔戎爲右驅馳千里至於巨嵬氏之國宿

于崑崙之阿赤水之陽別日升于崑崙之丘以觀黃
帝之宮遂賓于西王母觴于瑤池之上乃觀日之所
入一日行萬里 史記秦本紀造父以善御幸于周

繆王得驥溫驪驊騮

一云華驪

綠耳之駟

郭璞曰紀年云北唐之君來見

以一驪馬是生綠耳八駿皆因其毛色以爲名號駟

接穆天子傳有八駿之乘此紀不具爾雅釋云穆

天子傳丙寅天子屬官効器乃命正公郊父受勅憲

川中八駿之乘以飲于校詩之中積石之南河郭注

云盜驪者爲馬細耳紀年云北唐之君來見驪馬是

生綠耳 柳宗元觀八駿圖說云好事者爲之圖宋

齊以來 傳之 西巡狩樂而志歸偃王作亂造父爲繆王

御長驅歸周一日千里以救亂繆王以趙城封造父
白此爲趙氏非子居大丘好馬及畜善養息之大丘

人言之周孝王孝王名使主馬于汧渭之間馬大蕃
息孝王曰昔栢翳爲舜主畜畜多息故有土賜姓嬴
今其後世亦爲朕息馬其分土爲附庸邑之秦使復
續嬴氏祀 拾遺記穆王卽位二十二年巡行天下
馭黃金碧玉之車傍氣乘風起朝陽之岳自明晦窮
寓縣之表御八龍之駿一名絕地足不踐土二名翻
羽行越飛禽三名奔霄夜行萬里四名超影逐日而
行五名踰輝毛色炳輝六名超光一形十影七名騰
霧乘雲而奔八名挾翼身有肉翅逾而駕焉按轡徐
行以匝天地之域 書穆王命伯冏爲太僕正正于

羣僕侍御之臣

造父爲御周遊天下導其侈者果出于僕御之間人心操舍之無常可懼

哉

隋志五行類有周穆王八馬圖

選士命注駿馬圖有舍陽侯驃

國史志史道碩畫八駿圖一卷

崇文目八駿圖

一卷小說

唐李觀有八駿圖序

柳宗元有觀八

駿圖說

淮南子散宜生得騶虞雞斯之乘

說文馬赤鬣縞

身目若黃金名曰媽吉皇之乘周文王時犬戎獻之

左傳唐成公有兩驪驕馬

古今注秦始皇有七

名馬一追風二白兔三躡影四追電五飛翾六銅雀

七晨鳧

張說集秦汧渺渺尚想非子之風魯野區

區猶傳史克之頌

穆王八駿有驊騮耳之號
漢文九逸有浮雲絕塵之曰

周良馬

穆天子傳壬戌天子至于雷首犬戎觴天子雷首之

阿乃獻良馬四六天子使孔牙受

水經注引云云
受之於雷水

已

已天子東征食馬于漯水之上

水經注
引之

水經注湖

水出桃林塞之夸父山其中多野馬造父於此得驂

騮綠耳盜驪之乘以獻周穆王使之馭以見西王母

楊雄河東賦注師古曰翠龍穆天子所乘馬也

魯延廐

法廐

垆收

晉六騶

小騶

左傳莊二十九年春新作延廐書不時也凡馬日中

而出日中而入正義春分百草始繁則牧於坰野秋

分農功始藏水寒草枯則皆還廩此周典之制也詩箋

乘馬繫於廩無事則委之以穀梁傳延廩者法廩

也注六閑之舊制魯頌駟頌僖公也僖公牧於坰野駟駟

壯馬有驕皇驪黃首章言良馬朝祀所乘故云彭彭騅駟騂騏二章

馬齊力尚強故云伾伾驪駟騅三章言田馬齊足尚疾故云釋釋駟駟驪魚

卒章言駑馬給雜使貴肥壯故云祛祛思無疆期敦邪馬斯臧才作徂正義禮

諸侯六閑馬四種傳謂之良戎不言齊道魯金象路

共駕良馬戎路駕戎馬田路駕田馬駑給中官之役

衛風駟牝三下衛兼邶鄘而有之馬數過禮制命彼倌人

齊語桓公封衛與之繫馬三百

王駕者

秦風小戎文茵暢轂駕我騏驎四牡孔阜六

轡在手騏驎是中駟驪是驂伐駟孔羣公矛鋈錡李斯

書乘織離之馬

左傳僖十五年晉乘小駟鄭入也慶鄭曰

大事必乘其產生其水土知其人心安其教訓服習

其道

冀之北土馬之所生無與國焉 晉問云牽以荀息御以王良超以范鞅軒以欒鍼

成

十八年晉程鄭爲乘馬御六駟屬焉使訓羣駟知禮

注六閑之駟周禮諸侯有六閑馬正義周禮掌馬之

官無名駟者襄三十三年傳豐點爲孟氏之御駟則

駟亦御之類每廄有趣馬十八人六閑之駟有一百

八人

晉語謂之贊僕 馬政命僕及七駟咸駕注七駟謂趣馬主爲諸

晉屈產之乘

月令季秋班

官駕說者正義皇氏云天子馬有六種種別有騶
則六騶也又有總主之人并六騶爲七故爲七騶

襄二十五年楚爲掩賦車籍馬注籍疏其毛色歲齒
以備軍用 鄭有馬師 楚有監馬尹宮廩尹 楚

語國馬足以行軍公馬足以稱賦

注國馬民馬公馬公之戎馬也

韓非子秦穆公起卒革車五百乘疇騎二千步卒五

萬輔重耳入于晉

疇等也言馬齊等

史記蘇秦傳燕車六

百乘騎六千匹趙車千乘騎萬匹魏車六百乘騎五

千匹楚車千乘騎萬匹秦北有代馬

戰國策蘇厲說趙曰代馬胡駒

公羊注禮大夫以上至天子皆乘四馬所以通四

方也天子馬曰龍高七尺以上諸侯田馬高六尺以

上卿大夫曰駒高五尺以上

禮大司馬帥師執提鄭司農云謂馬上鼓疏曰先鄭蓋據當時已有單騎舉以况周其實周時皆乘車無輕騎法也

春秋正義古者馬以駕車六國時始有單騎蘇秦云車千乘騎萬匹是也

司馬法孫子無

騎戰吳起之爲武侯戰以車五百乘騎三千匹而破秦五十萬衆其書六篇往往皆有騎戰蘇秦說六國於燕言騎六千匹於趙楚言騎萬匹於魏言騎五千匹張儀說韓言秦騎萬匹趙變胡服招騎射此皆戰國用騎戰之驗今六韜言騎戰決非太公所作古亦

未有無車而乘馬者故易曰舍車而徒餘又見周戎馬段

漢五監 六廄 六牧師苑 三十六苑

騎馬令 駿馬監 建章監 家馬官

長樂未央廄 中廄令

百官表 大僕秦官掌輿馬有兩丞屬官有大廄未央

家馬三令各五丞一尉大廄者六子之法廄惠帝紀所謂都廄也家馬供天子

私用非大祀戎事軍國所須故謂之家馬上官桀爲未央廄令又車府路軫騎馬

駿馬四令丞又龍馬閑駒橐泉駒駮丞萃五監長丞

如淳曰橐泉廄在橐泉宮下駒駮野馬也師古曰閑闌養馬之所也故曰閑駒駒駮出北海中其狀如馬

非野馬也嚴安爲騎馬令又邊郡六牧師苑令各三丞注師古曰漢官

儀云牧師諸苑三十六所漢儀注云太僕牧師諸苑三十六所景紀注如淳曰漢儀注置北邊西邊

以郎為苑監官奴婢三萬又牧橐昆蹏令丞橐橐駝昆蹏

也蹏音蹄善升廐者也牧橐言牧養橐駝也郭璞曰昆蹏善上山秦時昆蹏苑是也爾雅云昆蹏踞善

升廐皆屬焉中太僕掌皇太后輿馬不常置也武帝太

初元年更名家馬為柶徒孔馬樂志孔光奏省樂官

馬初置路軫五行志未央殿輅軫中云云孟康曰廐名酒也黃圖路軫蓋在未央宮中掌宮門

輿馬亦曰水衡都尉元鼎二年初置屬官有技巧六

廐令丞成帝建始二年丙午省技巧六廐官秋滅乘

漢舊儀云天子六廐未央承華駒駘駢馬路軫六

廐也馬皆萬匹據此表太僕屬官已有六廐未央路

軫騎馬駒駘承華而水衡又云六廐技巧官是技巧

之徒供六廐者其官別屬水衡也劉氏曰上林自

有六廢一
令丞主之

地理志北地郡靈州縣有河奇苑號非

苑歸德縣有堵苑白馬苑郁邳縣有牧師苑官

苑謂馬牧

東郡襄平縣有牧師官西河郡鴻門縣有天封苑

太原郡有家馬官

注漢有馬家廢一廢萬匹後改曰桐馬

功臣表

兼史

記張良以廢將從起下邳王陵以廢將別定東郡南

陽秘彭祖為中廢令夏侯嬰為沛廢司御為滕令因

奉車復為太僕齊受以家車吏入漢

師古曰家車非軍國所用

紀文帝二年十一月癸卯詔太僕見馬遺財足餘皆

以給傳置

賈山至言云省廢馬以賦縣傳去諸苑以賦農夫

昭帝始元四

年七月詔往時令民共出馬其止勿出諸給事中都

官者且減之元鳳三年正月罷中牟苑賦貧民

注在梁陽

元帝初元元年九月詔太僕減穀食馬

貢禹言高祖文景循

古節儉廢馬百餘匹今廢馬食粟將萬匹惟深察古道從其儉者可無過數千匹乃下詔太僕減穀食馬省宜春苑與貧民二年三月詔罷黃門乘輿狗馬五年四月

詔乘輿秣馬無乏正事而已

武紀太初二年五月

籍吏民馬補車騎馬

武帝初廢馬四十萬匹

鹽鐵論云賢良曰一馬伏櫪當中家

六口之食無丁男一人之事

列傳李陵爲建章監監諸騎

衛青亦爲

金口禪爲馬監

日禪弟倫輪黃門養馬

吾丘壽王願養

馬黃門

衛青使咸宜買馬河東名爲廢丞

史記云大廢丞

傳介子元鳳中以駿馬監求使大宛遷平樂監

房太子傳發中廢車載射士

師古曰中廢皇后車馬所在楚有宮廢尹養

由基魏王朗曰西京中廢則駢駮駢駮馬六萬餘匹外牧則鬣養三萬而馬十之

續志大

僕有未央廢令長樂廢丞

鄭衆子安世爲長樂未央廢令與來歷俱諱鴻都門

注廢令秩六百石

本注舊有六廢令中興省約但置一廢後

置左駿令廢別主乘輿御馬後或并省太子廢長一

人四百主車

古令注漢安元年七月置承華廢令

安帝紀永初元年九月壬午詔廢馬非乘輿常所

御者皆減半食

漢九廢

三輔黃圖未央人廢在長安故城中翠華大駱果馬

輓梁駿騎馬大宛胡河駒駝凡九廢在長安城外霸

昌觀馬廢在長安城外都廢天子車馬所在中廢皇

后車馬所在太平御覽云黃圖未央宮有金廢轂幹廢大廢果馬廢輓梁廢騎馬廢大宛廢

胡河廢駒駝廢凡廢九在城內

漢都廢 霸昌廢 交道廢 濯龍廢

惠紀三年七月都廢災大廢者天子法廢所謂都廢也是時天子居未央宮供天

子之用也家馬供天子私用非戎祀軍國所須故謂

家馬也騎駿所用雖未詳然非天子所御也龍馬以

下五監皆牧養之所也牧橐師古曰牧養橐駝也昆

躡爾雅云昆躡善月獻郭璞謂躡如踞而健上山秦

時有馭躡苑是也邊郡六牧師苑漢官儀史記田

所謂三十六所是也此西都馬政之大畧

叔還至霸昌廢

括地志在雍州萬年東北三十八里郡國志在長安西二十五里

谷永傳敕過交道廢勿追

注去長安六
十里近延陵

文選白馬

賦注盧植集曰詔給濯龍廢馬三百匹

銑曰濯龍
內廢名

晉志漢侍御史五曹四曰付馬曹掌廢馬廢番夫

田廣
明傳

騶馬猥佐

楊惲傳給騶使乘之佐主猥馬吏
也惠紀武士騶騶騶也

漢馬復令 馬督閑

食貨志文帝時鼂錯說曰令民有車騎馬一匹者復

卒三人車騎天下之武備也故爲復卒

師古曰當爲
卒者免其三

人不爲卒
者復其錢

武帝令民得蓄邊縣官假馬母三歲而歸

及息什一用充入新秦中車騎馬乏縣官錢少買馬

難得乃著令令封君以下至三百石吏以上差出北

馬天下亭亭有蓄字馬歲課息 武紀元狩五年春

三月天下馬少平牡馬匹二十萬注如淳曰貴平牡馬賈欲使人共蓄馬 西域傳征和中搜粟都尉弘

牟請屯田輪臺以東上詔曰當今務在禁苛暴止擅賦力本農修馬復令以補缺毋乏武備而已郡國二千石各上進蓄馬方 邊狀與計對

師古曰馬復因養馬以免 貨殖傳馬躡噉千 為馬六百

也 景紀中四年春二月御史大夫綰奏禁馬高五尺九

寸以上齒未平不得出閔 昭紀始元五年夏罷天

下亭毋養馬及馬弩閔注孟康曰舊馬高五尺六寸

齒未平弩十石以上皆不得出關令不禁也

新序上從主父

偃之計因關馬及弩不得出

唐貞元二年八月庚戌禁大馬出滿潼武關會要作元年

霍夫

病傳衛霍兩軍之出塞閱官及私馬凡十四萬匹後

入塞不滿三萬匹乃置大司馬位大將軍票騎皆為

大司馬

自青圍單于後不擊匈奴者以漢馬少

王

溫舒傳為河內太守令郡具私馬五十匹為驛自河

內至長安

周校人六廢凡三千四百匹頒之官府卿大夫之共

軍事者也而丘甸之馬民自備之以從戎自井田既

壞凡有師役皆賦馬與民孝武末年籍吏民馬而課

息徧于天下。古之軍賦，殆不如此。

漢苑馬

牧師苑

內外廄

又見

流馬苑

景紀

中六年六月，匈奴入鴈門，至武泉，入上郡，取苑

馬

注如淳曰：漢儀注，太僕牧師諸苑三十六所，分布

北邊西邊，以郎爲苑監官，奴婢三萬人，養馬三十萬

匹。師古曰：養鳥獸者，通名爲苑。故謂牧馬處爲苑。

曰：關中北有胡苑之利。

食貨志

景帝始造苑，馬以廣用。

師古曰：爲

苑以

武帝時，告緡沒入奴婢，分諸苑養馬。

昭紀元

鳳二年六月，詔頗省乘輿馬，及苑馬，呂補邊郡三輔

傳馬

傳馬驛馬也

令郡國毋歛今年馬口錢。

元紀初元

萬曆丁亥年

三

六

監生沈申錫刊

二年六月省苑馬以振困乏

地理志武威以西水

草宜蓄牧故涼州之蓄爲天下饒安定郡參羸有主

騎都尉

和紀

永元五年二月戊戌詔有司省減內

外廄及涼州諸苑馬注漢官儀曰未央六廄長樂承

華等廄令皆秩六百石又云牧師諸苑三十六所分

置西北邊分養馬三十萬頭

安紀

永初六年春正

月庚申詔越嶲置長利高望始昌三苑又令益州郡

置萬歲苑犍爲置漢平苑

續志

太僕有牧師苑皆

令官主養馬分在河西六郡界中

六郡隴西天水安
上郡北地

中興皆省唯漢陽有流馬苑但以羽林郎監領未央

殿令一人

六百石

長樂殿丞一人

注漢官曰青荷苑官田所一人守之

漢

陽即天水永平十七年更名

爾雅注秦有馭蹄苑

周官牧師掌牧地下士四人

王牧放馬而養之

高紀至陽城收軍中馬騎四年八月北貉燕人來致

梟騎助漢八年三月令賈人毋得乘騎馬

注乘駕車騎單騎

食貨志漢初天子不能具醕駟武帝初衆庶街巷

有馬天子爲伐胡盛養馬馬往來食長安者數萬匹

卒掌者閔中不足乃調旁近郡縣官不給天子乃解

乘輿駟

郅昂曰始皇并寓內六萬騎之國馬盡歸

萬曆丁亥年

三母天二百四八

七

監生沈申錫刊

秦漢武崇飾戰馬至四十萬匹 匈奴傳票騎之出
匈奴雖遠去漢馬少無以復往 平準書發三河以
西騎擊西羗 貨殖傳塞之斥也唯橋桃以致馬千
匹 晁錯傳益以邊郡之良騎 趙充國傳軍馬一
月之食度支田上一歲奏罷騎兵省大費至四月草
生發郡騎及屬國胡騎伉健各千倅馬十二就草
楊雄賦芳馳千駟校尉萬師 光武以所乘大驪馬
賜李忠 寇恂拜河內大守委以率厲士馬恂講兵
肄射養馬三千匹 吳漢曰漁陽上谷突騎天下所
聞選烏桓突騎三千餘人張堪遷謁者使領騎七千

匹詣大司馬吳漢軍 元初中虞詡說任尚以兵法弱不攻強走不逐飛莫如罷數郡兵各令出錢數千二十人共市一馬以萬騎之衆逐數千之虜追尾掩截其道自窮 順帝永建元年五月丁丑詔幽并涼州刺史嚴勅障塞繕設屯備立秋之後簡習戎馬

漢九逸

西京雜記文帝自代還有良馬九匹皆天下駿足也名曰浮雲赤電絕群逸驃紫燕騶綠螭龍子麟駒絕塵號爲九逸有來宣能御選注引此一名飛燕騶穆王八駿有驪騶騶耳之號漢文九逸有浮雲絕塵之目

漢千里馬 四駿馬 滇池神馬 魏澤

馬

賈捐之傳孝文時有獻千里馬者詔曰朕乘馬獨先安之還馬與道里費詔曰朕不受獻也令四方毋獻

太宗卻走馬

匈奴傳千里馬匈奴寶馬也 西域贊蒲

稍龍文魚目汗血之馬充於黃門注孟康曰四駿馬名後循吏傳建武十三年異國有獻名馬者日行

千里

東觀記曰名都王國獻名馬詔以馬駕鼓車

南蠻傳肅宗元和

蜀郡王追為益州太守政化充異有神馬四匹出滇

池中

滇池周迴二百餘里源深廣而木茂狹有似鶴流七命注隴西神馬山有淵池馬所生

東京賦園林氏之騶虞擾澤馬與騰黃

注山海經大封國有

文馬。縞身朱鬣。名曰吉良。乘之壽千歲。瑞應圖。曰騰黃神馬。一名吉光。吉良騰黃。一馬異名也。却走

馬於糞車。何惜騾裏與飛兔。

晉載記符堅時大宛

獻天馬千里駒。皆汗血朱鬣五色鳳。膺麟身命羣臣
作止馬詩而遣之。宋頽延之賦帝軒陟位飛黃服

卓后唐膺錄赤文候日漢道亨而天驥呈才魏德懋

而澤馬效質

謝莊傳河南獻舞馬詔羣臣爲賦莊上其辭曰輝大馭於國阜賁上襄於帝閑

雙壁應範二封中圖又作舞馬歌令樂府歌之魏文帝以織驪馬遺吳李斯書乘織离之馬

宋志騰黃王者德御四方則出白馬朱鬣王者任賢

良則見澤馬王者勞來百姓則至

蜀都賦乘驥子

服魚文玄黃異校結駟繽紛

漢余吾水馬 渥洼水天馬 中廬馬

武紀元狩二年夏馬生余吾水中

在朔方北

元鼎四年秋

馬生渥洼水中

注南陽新野有暴利長當武帝時遭刑屯田敦煌界數於此水旁見羣野

馬中有奇者與凡馬異來飲此水利長先作土人持勒絆於水旁後馬既玩習之代土人持勒絆收得其

馬獻之欲神異此馬云從水中出

作寶鼎天馬之歌五年十一月詔

曰渥洼水出馬朕其御馬

禮樂志郊祀歌十九章

第十章曰太乙况天馬下沾赤汗沫流赭志倣儻精

權奇籥浮雲掩上馳體容與逝萬里令安匹龍爲友

元狩三年馬生渥洼水中作

按武紀乃云元鼎四年又云元狩二年夏馬生

余吾水中
亦非三年

後郡國志南郡中盧

盧一作廬

注襄陽耆舊

傳曰縣西山中有一道漢時常有數百匹馬出其中
馬形皆小似巴滇馬
華子云堯漢皆得馬者以皆
火德正斗南方乘德而至

漢烏孫天馬

西極馬

宛天馬

西極

天馬歌

汗血馬

張騫傳元狩中得烏孫馬好名曰天馬及得宛汗血
馬益壯更名烏孫馬曰西極馬宛馬曰天馬初天子
發書易曰神馬當從西北來漢使少從
子隨使而出外國者爲少從言大宛有善馬在貳師
進孰者但進成熟之言

城匿不肯示漢使天子既好宛馬聞之甘心使壯士
車令等持千金及金馬以請宛王貳師城善馬宛國
饒漢物相與謀曰漢去我遠而鹽水中數有敗出其
北有胡寇出其南乏水草又且往往而絕邑乏食者
多漢使數百人爲車來常乏食死者過半是安能致
大軍乎且貳師馬宛寶馬也遂不肯予漢使怒妄言
椎金馬而去宛中貴人怒曰漢使至輕我

李廣利

傳太初元年爲貳師將軍發屬國六千騎及郡國數
萬人期至貳師城取善馬益發戍甲卒十八萬七科
適而拜習馬者二人爲執驅馬校尉備破宛擇取善

馬攻四十餘日廼出其馬令漢自擇之漢軍取其善馬數十匹中馬以下牝牡三千餘匹

西域傳宛別

邑七十餘城多善馬汗血言其先天馬子也張騫始爲武帝言之遣使者持千金及金馬以請宛善馬宛王以漢絕遠大兵不能至愛其寶馬不肯與漢使妄言

宛遂殺漢使

期門車令

取其材物於是天子遣貳師將軍

李廣利將兵前後十餘萬人伐宛連四年宛人斬其王毋寡首獻馬三千匹漢軍乃還貳師斬宛王更立貴人素遇漢善者名昧蔡爲宛王後歲餘宛貴人以爲昧蔡調使我國遇屠相與共殺昧蔡立毋寡弟蟬

封為王遣子入侍宛王蟬封與漢約歲獻天馬二匹

孟康曰言大宛國有高山其上有馬不可得因取五色母馬置其下與集生駒皆汗血因號天馬云

贊聞天馬則通大宛 **武紀** 太初四年春貳師將軍

李廣利斬大宛王首獲汗血馬來作西極天馬之歌

應劭曰大宛舊有天馬鬪石汗盜馬前肩膊出如血一日千里 **禮樂志** 天馬來從

西極涉流沙九夷服天馬來出泉水虎脊兩化若鬼

天馬來歷無草徑千里循東道天馬來徠執徐時 太歲在辰

日執徐時 將搖舉誰與期天馬來徠開遠門竦予身迺

昆侖天馬來徠龍之媒游閭闔觀玉臺 上帝所居 天馬十太

初四年誅宛王獲宛馬作 **史記** 樂書得神馬渥洼

水中爲太一歌。後伐大宛，得千里馬，名蒲梢，作天馬。

歌。馮奉世傳：宣帝時至大宛，得名馬象龍而還。師古

曰：言馬形似龍者。後傳：建初三年，賜東平王蒼及琅琊王

京書云：并遺宛馬一匹，血從前膊上小孔中出，常聞

武帝歌天馬，霑赤汗，今親見其然也。又建武二十六年，南單于獻文

馬十四匹，二十八、八年，比匈奴貢馬，永平十七年，耿恭檄烏孫遣使獻名馬。論都賦：馭宛

馬鞭，馭馱。晉武帝泰始六年九月，大宛獻汗血馬。

漢核中監 平樂監

昭紀：始元六年，詔核中監蘇武前使匈奴。云云注如

淳曰：核園之中有馬廄也。監官也。按詩注：核唐棣也。金目碑

傳拜爲馬監

傅介子傳以平樂殿監使誅樓蘭王

後漢禮震爲淮陽王廐長馬融爲河間王廐長史

漢宣德殿馬式 東門京銅馬法 相馬

經

馬援傳

字文淵好騎善別名馬建武二十年征交趾

還於交趾得駱越銅鼓乃鑄爲馬式還上之因表曰

夫行天莫如龍行地莫如馬馬者甲兵之本國之大

用安寧則以別尊卑之序有變則以濟遠近之難昔

有騏驥一日千里伯樂見之昭然不惑

伯樂秦穆公時善相馬者

也桓寬益鉄論曰騏驥負益車垂頭於太行之坂見伯樂噴而長鳴

近世有西河子與

亦明相法子輿傳西河儀長孺長孺傳茂陵丁君都
君都傳成紀楊子阿臣嘗師事子阿受相馬骨法考
之行事輒有效驗臣愚以爲傳聞不知親見視影不
如察形今欲形之於生馬則骨法雖備具又不可傳
之於後孝武皇帝時善相馬者東門京鑄作銅馬法
獻之有詔立馬於魯班門外更名魯班門曰金馬門
臣謹依儀氏鞞居奇反中帛氏口齒謝氏唇鬚丁氏身
中備此數家骨相以爲法馬高三尺五寸圍四尺五
寸有詔置宣德殿下以爲名馬式焉注援銅馬相法
曰水火欲分明水火在鼻兩孔間也上唇欲急而方

口中欲紅而有光此馬千里領下欲深下唇欲緩牙
欲前向牙欲去齒一寸則四百里牙劍鋒則千里目
欲滿而澤腹欲充膝欲小季肋欲長懸薄欲厚而緩
薄股也腹下欲平滿汗溝欲深長而膝本欲起肘腋
欲方蹄欲厚三寸堅如石 武紀注應劭曰永平五

年至長安取飛廉并銅馬置上西門外平樂館

東京賦平

樂都場天馬半漢注銅馬也

金馬式賦晒求市之三年無相肥

於一槩仰沛艾以龍翥若驂驪而鹿超牛以石馳以
銅作賂大宛爲神蜀郡作鏡域中垂衡天下稱驥德
頌駟牧 銅馬賦研精以範酌憲于心張戎容程國

步狀赤文之呈瑞方候日於堯庭 隋志五行類伯

樂相馬經一卷闕中銅馬法

崇文目周穆王相馬經三卷

文選

張協七命秦青不能識其衆九方歎不能覩其若滅

班固云良樂注相馬經曰夫法千里馬有三十六尺

四寸 呂氏春秋古之善相馬者寒風相口齒麻朝

相頰女厲相目衛忌相髦許鄙相脫投伐楫胷脅管

青臍胸一作脣吻陳悲股脚秦牙相前贊君相後十人皆

良工也所以相者不同見馬之一證也 若趙之士良

秦之伯樂九方堙尤盡其妙

漢承華殿、高車廢

順帝紀漢安元年秋七月始置承華殿

東觀記曰時以遠近獻馬

衆多園殿充滿始置承華殿令秩六百石百官志注引古今注年月同

東京賦駙承

華之蒲梢

注殿名儀有承華殿漢官

杜篤傳建武十九年作

高車殿於長安

呂強傳諫曰中殿聚大僕之馬

郡國志陳留尉氏注陳留志曰北有澤澤有天子苑
囿有秦樂殿漢諸帝以養猛獸

漢駮驥殿

靈帝紀光和四年春正月初置駮驥殿丞領受郡國

調馬

注駮驥善馬也調謂調發

豪右辜權馬一匹至二百萬

魏乘黃殿

又見唐乘黃殿今

六典大僕有乘黃廐漢爲未央廐魏改乘黃晉因之

乘黃古神馬因以爲名乘黃亦名飛黃

淮南子天下有道飛黃伏

阜漢志曰出入詩曰訾黃其何不祿下應劭曰訾黃一名乘黃龍翼而馬身黃帝乘之而仙

魏

都賦冀馬填廐而駟駿注鄴城西下有乘黃廐

魏

書曹公列鐵騎五千爲十重陣精光曜日縱虎騎夾

擊馬超大破之

鍾繇爲司隸送馬二千餘匹以給

軍陳王植於武帝世得大宛紫驛馬一以獻文帝

黃伯仁龍馬頌耳如剡笛目象明星雙璧似月蘭

筋參情

晉典牧都尉 三廐

職官志太僕統左右中典牧都尉車府典牧乘黃驊

騮龍馬三廄令

郭展爲太僕廄馬充多

渡江後太僕省故驂騮

爲門下之職江左初侍御史置庫曹掌廄牧

晉有赤龍驂騮

苑

六典注魏置牧官都尉晉因之

梁書天監七

年置太僕卿統南牧左右牧龍廄內外廄

唐改龍廄爲典廄

傳玄乘輿馬賦文榮其德武曜其威

籍田賦龍

驥騰驤而沛艾

載記慕容廆有駿馬曰楮白有奇

相逸力雋比之於鮑氏驄命鑄銅以圖其象親爲銘

贊鐫勒其旁置之薊城東掖門

元魏太武太延二

年冬於雲中置野馬苑平朔方隴右以河西水草善

以爲牧地馬三百餘萬匹橐駝半之孝文復以河陽
爲牧場戎馬十萬匹歲自河西徙牧并州漸南欲其
習水土

馬之盛無如後魏

太和二年龜茲獻龍馬

十五年冬二千石考上上者賜乘黃馬一匹

晉太元神馬

晉武帝太元十四年寧州刺史費統言晉寧郡滇池
縣兩神馬一白一黑盤戲河水之上

水經注滇池

中有神馬家馬交之則生駿駒日行五百里

典略

曰神馬河之精

梁馬寶頌

又見祥端

文苑英華梁簡文馬寶頌五月丁酉朔詔以馬寶示
羣臣太僕效官趣馬掌贊八麗四圍給役相趨暉煜
金鑣陸離寶勒鳶眄善鳴龍儀美稱總轡崑岑周非
吾馭張樂大野夏有慙德乾道應坤馬來度玉闕升
玉臺千天駟百龍媒永伏阜掃駒駘秣瑶粟委芳芻
九夷欵四表清厓胥樂輿頌興
初學記黃章龍馬
賦生河海之濱涯被華文而朱翼

玉海卷第一百四十八

玉海卷第一百四十九

浚儀王應麟伯厚甫

兵制

馬政下

唐左右仗廄六廄六閑

百官志殿中省監一人少監二人丞二人有左右仗廄左曰奔星右曰內駒兩仗內又有六廄一曰左飛二曰右飛三曰左萬四曰右萬五曰東南內六曰西南內園苑有官馬坊每歲河隴羣牧進其良者以供御六閑馬以殿中監及尚乘主之武后萬歲通天元

年置仗內六閑一曰飛龍二曰祥麟三曰鳳苑四曰
鶴鸞五曰吉良六曰六羣亦號六廄以殿中丞檢校
仗內閑廄以中官爲內飛龍使聖曆中置閑廄使以
殿中丞監承恩遇者爲之分領殿中太僕之事而專
掌輿輦牛馬自是宴游供奉殿中丞監皆不預聞開
元初閑廄馬至萬餘匹姜行本傳太宗選趙才乘
六閑馬號飛騎紀高宗開耀元年正月己亥減殿
中太僕馬憲宗元和四年閏三月己酉詔飛龍使減
省內廄馬宣宗大中元年二月癸未停飛龍馬粟
通典翔麟鳳苑廄有蹀馬俯仰騰躍皆合節朝會用

樂則兼奏之。含元賦曰：校人掌馬，天駟在閑，望我鸞和，陟彼南山。

唐監牧籍帳

百官志：太僕寺卿一人，少卿二人，掌廄牧輿輦之政。總乘黃典廄典牧車府四署，及諸監牧行幸供五路屬車。凡監牧籍帳歲受而會之，上駕部以議考課。每歲孟秋羣牧使以諸監之籍合爲一，以仲秋上於寺。

屈突通傳：隋文帝命覆隴西牧簿得隱馬二萬匹。

唐左右六閑：飛龍廄、祥麟廄、鳳苑。

廄：內外閑廄。

百官志尚乘局奉御二人直長二人掌內外閑廐之

馬左右六閑一曰飛黃二曰吉良三曰龍媒四曰騊

駼五曰馱馱六曰天苑總十二閑凡外牧歲進良馬

印以三花飛鳳之字飛龍殿日以八馬列宮門之外

號南衙立仗馬仗下乃退大陳設則居樂縣之北與

象相次龍朔二年改曰奉駕局有習馭五百人掌調

六閑之馬掌閑五千人治六閑乘具司廩司庫各一

人掌六閑藁秸出納奉乘十八人習御馬 **兵志**以

尚乘掌天子之御左右六閑 云云總十二閑為二廐

一曰祥麟二曰鳳苑以繫飼之其後禁中又增置飛

龍廡

大和四年六月飛龍廡襄城羣牧請鑄印

天文志冀之北土馬牧

之所蕃庶故天苑之象存焉

高宗時京師養廡馬

萬匹張文瓘諫為減廡馬數千

崔日知遷殿中少

監建言廡馬多請分牧隴右省闕畿芻調

唐八坊 四十八監 觀馬牧 八使監

坊 七坊 群牧著籍 六十五監 監

牧使

百官志 諸牧監監各一人 副監各二人 丞二人 主簿

一人 掌群牧孳課凡馬五千為上監三千為中監不

及為下監馬牛之群有牧長有尉馬之駑良皆著籍

良馬稱左。駑馬稱右。三歲別群孳生。過分有賞。死耗亦以率除之。每歲孟秋羣牧使以諸監之籍合爲一。以仲秋上於寺。歲終監牧使巡按以功過相除爲考課。注麟德中置八使分摠監坊。秦蘭原渭四州及河西之地。凡監四十八。南使有監十五。西使有監十六。北使有監七。鹽州使有監八。嵐州使有監二。自京師西屬隴右。有七馬坊。置隴右二使領之。又有沙苑樓煩。天馬監。沙苑監。掌蓄隴右牛羊。給宴祭及尚食所用。會要有東使九。未云其後益置八。監於鹽州。三監於嵐州。而隴右三使領坊七。兵志云。嵐州三監與此不同。東使監九。無隴右三使。又不同。李峴傳有鳳翔七馬坊押官。地理志同州馮翊有沙苑。

德州木樓煩監牧嵐州刺史領
之貞元十五年別置監牧使

太宗紀貞觀

年八月庚辰次涇州丙戌踰隴山關次瓦亭觀馬牧

太宗遣使齎金帛諸
國市馬魏徵諫遂止

兵志馬者兵之用也監牧所

以蓄馬也其制始於近世

隋志隴右牧置諸監
丞以統諸牧其隴右監

二十四軍馬牧每牧置儀同
及尉六都督帥都督等員

唐之初起得突厥馬二

千匹又得隋馬三千於赤岸澤徙之隴右監牧之制

始於此其官領以太僕其屬有牧蓋副監監有丞有

主簿直司團官牧尉排馬牧長羣頭廄正有副廄課

功進排馬又有掌閑調馬習上又有尚乘掌天子之

御左右六閑一曰飛龍二曰吉良三曰龍媒四曰駒

駢五曰馱馱六曰天苑摠十二閑爲二廄一曰群麟
二曰鳳苑以繫飼之其後禁中又增置飛龍廄初用
太僕少卿張萬歲領羣牧自貞觀至麟德四十年間
馬七十萬六千置八坊岐豳涇寧間地廣千里一曰
保樂二曰甘露三曰南普潤四曰北普潤五曰岐陽
六曰太平七曰宜祿八曰安定八坊之田千二百三
十頃募民耕之以給芻秣八坊之馬爲四十八監
之置八使以董之設
四十八監以掌之而馬多地狹不能容又析八監
列布河西豐曠之野凡馬五千爲上監三千爲中監
餘爲下監監有左右因地爲之名其時天下以一

易一馬萬歲掌馬久恩信行於隴右後以太僕少卿

鮮于匡裕檢校隴西監牧儀鳳中以太僕少卿李思

文檢校隴右諸牧監使監牧有使自此始又有羣牧

都使閑廐使使皆置副王峻為太僕少卿隴右羣牧使玄宗兼知內外閑廐檢

校隴右羣牧大使押左右萬騎進封平王又立四使南使十五西使十六

北使七東使九諸坊若涇川亭川缺水洛赤城南使

統之清泉溫泉西使統之烏氏北使統之木峽萬福

東使統之他皆失其傳其後益置八監於鹽州三監

於嵐州鹽州使八統白馬等坊嵐州使三統樓煩玄

池天池之監元和十一年九月丙戌以樓煩監馬百五十四匹給昭義軍凡征伐而

發牧馬先盡強壯不足則取其次錄色歲膚第印記
主名送軍以帳馱之數上於省自萬歲失職馬政頗
廢永隆中夏州牧馬失亡者十八萬四千九百九十
景雲二年詔群牧歲出高品御史察之開元初二年
國馬益耗太常少卿姜晦乃請以空名告身市馬於
六胡州率三十四匹酬一游擊將軍命王毛仲領內外
閑廐馬稍稍復始二十四萬至十三年乃四十三萬
王毛仲為輔國大將軍內外閑廐知監使持法不避
權貴為可喜事兩營萬騎及閑廐官吏畏之無敢犯
雖官田草萊雜飲不敢欺於牧事尤力婉息不訾初
置監馬二十四萬後至四十三萬半羊皆數倍時尚
麥首宿二千九百頃以禦冬後東封牧馬數萬匹從
每色一隊相間如錦繡天子才之十三年十一月癸

已加毛仲其後突厥款塞玄宗厚撫之歲許朔方軍儀同二同

西受降城爲互市以金帛市馬於河東朔方隴右牧

之既雜胡種馬乃益壯

王忠嗣請徙朔方河東騎以實軍迄天寶未益滋息天寶

八載詔哥舒翰以朔方河東羣牧兵攻石堡

天寶後諸軍戰馬動以萬計

王侯將相外戚牛駝羊馬之牧布諸道百倍於縣官

皆以邑封號名爲印自別將校亦備私馬議者謂秦

漢以來唐馬最盛遂弱西北蕃十一載詔二京旁五

百里勿置私牧十三載

六月

隴右羣牧都使奏馬牛

駝羊總六十萬五千六百而馬三十二萬五千六百

王忠嗣在朔方至互市高馬直以空虜資

肅宗收兵至彭原抵平涼

天寶十五

載六月 蒐監牧及私羣得馬數萬軍遂振陸贄曰諸牧有馬肅

宗資以復興 後吐蕃陷隴右苑牧蓄馬皆沒乾元後回紇

歲入馬取繪郭子儀傳回紇赤心請市馬萬匹有司以財乏止市十匹子儀以中原須馬請

納一歲俸佐馬直不聽 代宗下制禁馬出城者建中元年市關

輔馬三萬實內廢貞元三年詔禁大馬出蒲潼武關

者元和十年伐蔡命中使以絹二萬市馬河曲其始

置四十八監據隴西金城平涼天水幅員廣千里繇

京度隴置八坊會要自貞觀至麟德馬四十萬匹皆在河隴間開元中尚有二十七萬雜

以牛羊等不啻百萬置八使四十八監自長安至隴

西置七馬坊爲會計所都領至德以後西戎陷隴右國馬盡沒牧監使與七坊盡廢其地 六典駕部監牧利歸節度使志云給貧民餘見後

六十有五皆分使以統之南使十五監西使十六北使七東使九鹽州使八嵐州使三

舊志亦云六十有五

開

元十三年張說爲隴右羣牧使頌曰周禮校人掌王馬之政天子十二閑馬六種閑爲一廐馬二百一十六應乾之策也六廐成校五良一駑是之謂小備校有左右閑成十二合月之道也駑馬三良馬之數凡三千四百五十六是之謂大備秦并一海內六萬騎之國馬盡歸之帝家則周制陋矣漢孝武當文景儉約之積雄衛霍張皇之師勒兵塞上廐馬有四十萬匹及東漢晉魏國馬陵夷不可復逮武帝時矣大唐

接周隋亂離之後承天下戰陣之弊鳩括殘燼僅得
牝牡三千從赤岸澤徙之隴右始命太僕張萬歲葺
其政焉而奕世載德纂修其緒肇自貞觀成于麟德
四十年間馬至七十萬六千匹置八使以董之設四
十八監以掌之跨隴西金城平涼天水四郡之地幅
員千里猶爲隘狹更析八監布於河曲豐曠之野乃
能容之于斯之時天下以一繖易一馬秦漢之盛未
始聞也張氏中廢馬官亂職開元皇帝旣登大寶水
瑞感而河龍出星精應而天駟下二年春乃與以王
毛仲主之觀夫春祭馬祖夏祭先牧秋祭馬社冬祭

羽衛咸備。大駕百里。煙塵一色。行如動地。止若屯雲。百蠻震聳。四方抃躍。頌曰。皇天考牧。兮聖之君。四十
三萬。兮馬爲羣。塹汧渭。兮垣隴。阪飛黃。阜兮昆蹄。苑
山崆峒。兮水嗚咽。泉噴玉。兮草汗血。天王駕兮仗黃
麾。大僕駮兮展輅儀。舞月駟兮蹀雲螭。神倜儻兮態
權竒。頌皇靈兮篆石鼓。萬斯年兮羣玉府。開元二
十五年。胄曹參軍郅昂撰岐邠涇寧四州八坊碑頌。
書目一卷。序云。張萬歲。傍隴右字之。四十年間。成七十萬
六千匹。開元初。唯得二十四萬匹。至十九年。復成四
十四萬匹。上耕籍之。明年。命邠公典馬政。公召入咨。

元祐作小司空兼牧園匪燒匪剔斯馬斯才先是國
家以岐山近甸函土晚寒寧州壤甘涇水流惡澤茂
豐草地平鮮原當古公走馬之郊接非子大丘之埜

度其四境分署八坊其五在岐餘在三郡保樂第一

甘露第二保樂者隋石門馬坊也甘露先置在九成

苑外有詔令新保樂徙甘露云云

先是國家以岐函寧涇四境分置八

坊岐州有其五三州各有一折衝果毅蘇忠等八人各主一坊苑

摠監韋續統之八坊有田千二百三十餘頃分為十

屯皇朝知鳳州廖康上此碑請推行其法

會要正

觀十五年尚乘奉御張萬歲為太僕少卿領羣牧不

嘉靖丁巳年

入銜麟德三年正月少卿鮮于匡裕檢校隴右羣牧
雖入銜未置使儀鳳三年十月少卿李思文檢校隴
右諸牧監使始有使號其後蘇幹等二十九人為之
元和十二年十月閑廢使張茂宗奏取麟游岐陽牧

地三百四十七頃盡歸國家侍御史范傳式覆實

志云盡牧岐陽坊地民失業者其衆茂宗傳至德時隴

右監及七廢皆廢而閑廢私其地入寶應初始以其

地給貧民茂宗奏悉牧其賦長慶初盡以其地

還民志云監牧使與坊皆廢故地以給貧民

會要武德二年正月於鄜州南故馬坊置坊州

地理志坊州周天和中元皇帝為敷州

刺史置馬坊高祖因以名州高宗紀永徽二年九

月癸卯以同州苦泉牧地賜民**會要**天寶六載十

二月九姓堅昆及室韋獻馬六千匹於西受降城納之
德宗紀貞元三年八月庚戌禁大馬出蒲潼武

關

藝文志藝術有韓幹畫相馬圖玄宗試馬圖

漢惠紀師古注騎常所養馬并其人使行充騎若今
武馬陸贄奏議代朔鄆靈之騎士自昔之精騎也

唐乘黃令

百官志乘黃署令一人從七品下丞一人從八品下
掌天子格車與馴馭之法

管子對桓公云昔之受命者龜龍假至河出圖洛出
書地出乘黃注乘黃神馬名坤利牝馬之貞故從地

至乘黃渥注神馬之比。乘黃古神馬名。亦曰飛黃。背有角。日行萬里。淮南子云。天子有道。飛黃伏皂。後漢有未央廐。長樂廐丞。魏改爲乘黃廐。晉因之。宋太常屬官有乘黃令。一人。掌乘輿金根車及安車追鋒諸車。齊職儀云。乘黃獸名也。龍翼馬身。黃帝乘之。而仙。因以名廐。乘黃令品第七。秩四百石。梁太常屬官有乘黃丞令。陳因之。後魏有乘黃令丞。北齊掌諸輦輅。隋太僕寺統乘黃局令丞。唐因之。黃帝時。神馬生澤中。一曰吉光。又曰吉良。飛龍有吉良廐。自此也。貞觀十三年三月。吉良廐產白馬朱驥。山海經曰。犬戎

之國有文馬縞身朱鬣目若黃金名曰吉彊乘之壽

千歲

彊或作良

唐東宮羣牧

百官志東宮官僕寺僕一人丞一人主簿一人掌廩
牧廩牧署令一人掌車馬閑廩牧畜皇太子出則率
典乘先期習路馬率駕士馭車乘凡羣牧隸東宮者
皆受其職事典乘四人翼馭十人駕士十五人掌閑
六百人太僕寺屬有東宮九牧監丞二人錄事一人
掌牧養馬與皇太子之用

馬牧使有丞以下漢惠帝紀有太子御轡乘

唐監牧

元和志貞觀中自京師東赤岸澤移馬牧於秦渭二州之北會州之南蘭州狄道縣之西置監牧使以掌其事仍以原州刺史爲都監牧使以管四使南使在
原州西南一百八十里西使在臨洮軍西二百二十
里北使寄理原州城內東宮使寄理原州城內天寶
中諸使共有五十監

南使管十八監西使管十六監
北使管七監東宮使管九監

監牧地東西約六百里南北約四百里天寶十三年
諸監見在馬總三十一萬九千三百八十七匹內一
十三萬五千五百九十八匹課馬沙苑一名沙阜在
馮翊縣南十二里東西八十里南北三十里宜六畜

置沙苑監

紀武德六年十一月辛卯獵于沙苑

唐世牧地與馬性相宜西起隴右金城平涼天水外暨河曲之野內則岐函涿寧東接銀夏又東至樓煩此唐養馬之地也

唐中御諸廢

高宗紀咸亨元年九月甲戌以旱減中御諸廢馬儀鳳元年八月庚子損食粟馬

文宗紀大和八年五月己巳飛龍神駒中廢火

唐骨利幹十驥

回鶻傳骨利幹處海北近日出處也產良馬者似橐

駝筋骼壯大日中馳數百里貞觀二十一年八月十七日

入貢舊史貞觀二十一年八月辛朱骨利幹國遣使貢名馬遣雲麾將軍康蘇

密勞荅以其地爲元闕州丙戌其大酋俟斤因使者康

蘇密獻馬百匹帝取其異者號十驥皆爲美名一曰

騰霜白會要作騰雲白二曰皎雪驄三曰凝露驄露會要作霜四

曰懸光驄五曰決波驄六曰飛霞驄七曰發電赤八

曰流金馭九曰翔麟紫十曰奔虹赤上乃叙其事曰

骨利幹獻馬十匹特異常倫觀其骨大筋纒鬣鬣高臆

闊眼如懸鏡頭若側搏腿像鹿而加圓頸比鳳而增

細後橋之下促骨起而成峯側韉之間長肋密而如

辨耳根纖銳杉竹難方尾本高羸掘塼非擬腹平臙
小自勁驅馳之力鼻大喘踈不乏往來之氣殊毛共
櫪壯花藁之交林異色同羣似雪霞之間彩骨法異
而應圖工藝奇而絕象方驗天池大宛顧其驚蹇者
歟會要正觀一十一年八月十七日骨利幹遣使朝
貢獻良馬一百匹其中十四尤駿太宗奇之各製
其名曰十驥骨利幹馬無印准以
耳鼻爲記先是罽賓疏勒獻馬

武德元年十二月乙亥豐州總管張長慈獻馱耳馬
二匹 武德七年康國獻名馬 永徽二年閏八月

吐谷渾獻駿馬命還之 開元十二年新羅獻果下

馬二 詳見後 天寶六載堅昆寧韋獻馬六千命西

受降城納之 天寶中大宛進汗血馬六匹曰紅紫

青黃丁香桃花叱撥上乃改名紅玉紫玉平山凌雲

飛香百花輦命圖於瑤光殿

素再思
紀異錄

金石錄有唐昭陵六馬輦歐陽詢書殷仲容書降王
名太宗琢石象平生所乘征伐六馬爲贊刻昭陵

酉陽雜俎曰決波踰走歷門三限不躓上尤惜之隋

內庫有交臂玉猿二臂相貫如連環特表其轡 太

宗有詠飲馬詩 太宗拳毛騮

唐青海驄 黃驄曲

舊史吐谷渾有青海周圍八九百里中有小山至冬

放牝馬於其上。生駒號龍種。嘗得波斯馬放入海中。

因生驄駒。日行千里。故代稱青海驄馬。隋置馬牧於青海以求龍

種隴西神馬。山有淵池。龍馬所生。

天寶中隴右奏有馬生龍駒

吐谷渾傳得

波斯馬牧于海。生驄駒。日步千里。樂志太宗破竇

建德乘馬名黃驄驃。命樂工製黃驄疊曲宮調也。

唐龍陂監 臨漢監 銀川監

兵志元和十三年。以蔡州牧地為龍陂監。王式傳懿宗時發龍

陂監牧馬以討仇甫十四年。置臨漢監於襄州牧馬二千二百。

表元和十四年。山南東道節度增領臨漢監牧使。大

和七年罷。一本云。元和十四年八月甲寅。置臨漢

監於襄州穀城太和七年。正月。裴度奏停臨漢監。度

孟簡兼使職萬曆十六年。監生于光烈刊

山南東道節度白罷元和所置臨漢監十一月度支收千馬納之校以善田四百頃還襄人

鹽鐵使言銀川水甘草豐請詔刺史劉源市馬三千

河西置銀川監以源為使開成二年七月源奏銀川

馬已七千若水草乏則徙牧綏州境今綏南二百里

四隅險絕四路不能通以數千人守要蓄牧無他患

乃以隸銀川監會要錄又實貞元十三年福建觀察

使柳冕奏置萬安監牧於泉州索部內馬五千七百

匹以為監牧之資人大擾二十一年四月丙寅罷之

實錄開濟奏罷冕奏闕中本南朝蓄牧地可息羊馬置牧區於東越名萬安監又置五區於泉州索部

內馬五千七百匹蓄之民怨若元和十四年五月己亥於淮南置臨

海監節度使兼之太和二年十月廢 代宗下制禁馬出城者建中元年市關輔馬三萬實內殿貞元三年詔禁大馬出蒲潼武關者元和十年伐蔡命中使以絹二萬市馬河曲

乾德飛龍院

乾德五年六月辛巳六年八月七日戊午幸飛龍院

左右二院

九月己酉十月己未又幸

自後七臨幸

開寶二

年正月己丑幸賜從臣名馬仍令苻彥卿十二人自擇之十月二十日戊戌幸賜近臣名馬四年二月乙未幸賜從臣馬各一匹太平興國二年六月二十六

日乙卯幸賜從臣馬各一匹三年六月二十九日壬午幸宴近臣從官雍熙二年九月淳化三年九月賜近臣馬凡四臨幸河南府洛陽監舊曰飛龍院興

國五年改牧龍坊景德四年爲監國初止有左右飛龍二院以左右飛龍使各二人分掌之諸州監牧多廢太祖始置養馬二務又興葺舊馬務四遣使歲市邊州馬閑廄始備太宗平太原觀兵范陽得汾晉燕冀之馬凡四萬二千餘匹國馬增多詔於景陽門外作四廄名天駟監內廄充牝始分置諸州牧養楊侃皇畿賦延廄之設是名天駟伐大宛以新求涉

渥洼而遠致羣驅八駿隊數十驥

建隆二年十月戊戌禁邊民出塞盜馬以前所盜還

之由是夷狄畏慕不敢內侮

初五代募民盜戎人馬以補職騎

太平興國天駟監 天廄院 四廄 雍

熙天廄坊

興國四年正月建養馬務五年正月壬午景陽門外

新作四廄成詔以爲天駟監左右各二改左右飛龍

院爲左右天廄院使爲天廄使甲申改閑廄使爲崇

儀使

一云六年駕幸監改天廄院名漢志房爲天府曰天駟

六年十月丙寅幸

天駟左監賜從臣馬本監官建將士緡帛雍熙二年

閏九月甲申幸天駟監閱馬詔羣臣自選名馬旣而
帝親選賜之歷四監而還淳化三年九月甲寅幸天
駟監閱馬賜從臣馬各一匹○景德元年正月癸巳
幸天駟左監賜從臣馬三年九月甲寅幸左監賜從
臣馬官吏將士緡帛有差祥符三年八月庚申幸左
第一監賜從臣馬 熙寧三年三月六日詔以左右
天駟四監併作左右兩監

雍熙二年十月置天廡坊咸平元年併比務入分左
右二坊與天駟皆分隸於左右騏驥院 熙寧八年
二月十一日罷天廡坊 二坊有倉有倉塲

端拱元年四月司業孔維請禁原蠶以蕃廩馬淳化
二年十二月丁丑命圉人取善馬數十匹於便殿設
卓棧教以芻秣帝以其法諭輔臣牧于諸軍復以馬
醫方書賜近臣五年五月雄州馬商獻良馬五鬪試
皆驚也留內閑厚賜之

太平興國牧龍坊 景德諸監

太平興國五年改河南飛龍院太名養馬務洺州養
馬務衛州二監管城馬務同州馬監相州馬坊澶州

馬務白馬龍馬監並爲牧龍坊

一本云興國四年太
宗闕軍職騎多缺詔

市馬十七萬匹是歲平太原觀兵幽州得汾晉燕薊
馬四萬二千餘匹內阜增多始分置諸州牧養置牧

龍八坊 大名置于興國三年 洛州置 于建隆三年
衛相州則周顯德置而 建隆增葺澶州則建隆初置
於濮而開寶八年徙之 咸平六年十二月賜牧龍坊
同州則建隆初葺

兵毛裘以阜紬表之

被毳似胡服故也

景德二年七月四日

庚戌羣牧使趙安仁言按唐六典凡馬有左右監以
土地爲名諸路馬棚六百八十七欲改牧龍坊爲監
仍鑄印給之於是河南爲洛陽監天雄軍大名爲大
名監 二年五月分大名爲二坊七月以爲二監 祥符

二年又置第三監於洛州境

洛州爲廣平監

祥符三

年閏三月增置第二監景祐二年廢其一

衛州爲洪

水監

後分爲二熙寧七年四月合爲一元祐六年閏

八月十八日復置第二監

鄭州爲廣武監

初分爲一

祥符二年改原武監合爲一景德二年二月以鄭州

務馬於京城置坊養之

同州爲沙苑監

咸平六年十

一月戊子分爲二每監收馬四千五百匹

相州爲安

陽監澶州曰鎮寧

乾興元年十二月廢鎮寧監

滑州

舊龍馬監曰靈昌

天禧三年以河決而廢

若乃邢州

之安國置於祥符二年之八月至景祐二年春而廢
鄆州之東平置於祥符元年之十一月至熙寧七年
二月而廢中牟之淳澤祥符四年置而廢於乾興元
年之四月許州之單鎮祥符六年七月置而再置再

廢於天聖五年十一月戊戌而改爲雜大馬監於元
祐六年閏八月同州之病馬務景德元年以沙苑監
兼掌至天聖二年別命使臣掌之京城開遠門外之
上下監則又置於祥符四年之十一月而裁減兵校
於熙寧八年之三月丙外馬數以元豐七年五月丙
寅中書省所奏熙寧二年之數攷之凡十五萬三千
六百三十四元豐六年上批且於畿內置十監獨以左右驥驥院六
坊監言之祥符五年四月之數凡萬七千匹費芻粟
四百萬止留二千餘出牧淳澤祥符三年二月立

養馬務賞罰條格四年三月丙戌幸洛陽監賜從臣

五年七月詔在京養馬七千匹左院坊監千五百
二十御馬二百八十七右亦如之御馬二百牧養監

五百淳澤監三千五百六年二月丁亥樞使陳堯
叟言洛陽監馬五千匹頗費芻粟上曰馬數及萬匹
可止王旦曰聽民間養馬有須以本宜市之猶外廢

耳先是二年二月羣牧使請同州沙苑改充孳生

監詔經度四時牧放地慶曆五年閏五月羣牧言沙
苑監地萬一千四百六十餘頃馬僅一千八百餘匹
治平四年六月七日以隸陝西提舉監牧司熙寧八
年閏四月五日復屬羣牧而北京元城等八監並廢

元符二年閏九月沙苑復屬陝西許州長葛馬監
皇祐元年四月二十五日命守臣兼監牧

景德四年八月選朝臣內侍各二人點視諸州馬數
五年三月帝謂所奏少去歲二萬天禧元年八月以
馬數倍多選留上第餘定估貨之景祐三年四月

再定諸州買馬額

自秦川蕃部馬萬八百七十四省
馬五百至尚嵐蕃馬不立額省馬

二百五十一
寸至四尺一寸

自四尺七
寸此六等

羣牧馬數歲較耗登諸蕃馬

月奏其數

熙寧六年七月羣牧司有券馬錢元豐

三年二月詔三司歲以十萬償之四月二十一日罷

羣牧行司復置提舉買馬監牧司

河北七監歲耗

緡錢百萬。景祐元年正月庚辰，漕臣王汾奏罷廣平二監以牧地賦民。丁度爲使，言天聖中牧馬至十餘萬，其後廢八監，陝西河東歲市二萬二百，猶能補京圻塞下之缺，自用兵數年，市馬特三之一，請下令河東有蓄一戰馬免二丁，仍不升戶等。

淳化五年十二月，詔閱視通利軍等數十處牧馬草地圖。

雍熙騏驎院

會要左右飛龍院，興國五年改名天廡院。雍熙二年十月丙辰，改爲左右騏驎院，左右各領天駟二監，天

廩一坊

舊制國馬之政皆驥
驥二院監官專之

雍正三年二月乙丑

幸新驥驥院

二年二月二十七日幸

咸平二年九

月癸卯幸賜從臣馬祥符元年九月乙亥幸右驥驥
院賜從臣馬五年四月羣牧使言左右驥驥院六坊
監飼馬萬七千匹費芻粟四百萬請止留二千餘悉
遣就淳澤監放牧歲省芻粟三百餘萬熙寧九年
移鞍轡庫於左驥院元豐二年七月二十一日
丁亥以舊養牛場擊鞠院御厨營地增修左驥驥院
建炎三年四月十三日詔驥驥院官吏減半紹興
二十六年八月二十一日詔驥驥院左右教駿四指

揮各以百人爲額

在京共二千九百四十八人紹興八年十月十日以五十次爲額

至道崇政殿閱馬

至道中元年御崇政殿閱騏驥院所進馬命馳驟於庭親選其良以充尚乘因謂侍臣曰馬之良駑在人鑒別掌廐牧者但能辨年齒肥瘠之狀至於駿駟未必盡識朕視馬多矣亦猶選練士卒雖曰閱千萬其翹楚者材質自異固可知矣

咸平羣牧司

咸平三年九月置羣牧司摠內外馬政自騏驥院而下聽命焉庚寅以樞密直學士陳堯叟爲制置羣牧

使景德二年以王曉爲判官四年九月增一員景德

四年八月堯叟以樞庭兼領因以制置使爲羣牧使

又以待制以上爲同羣牧使二年七月以內侍閻承翰爲副使同羣牧使

皇祐元年六月己丑梁適至至和元年七月呂公弼祥符二年八月內侍張繼

能爲都監熙寧九年九月十七日詔以樞密都承旨

兼使副承旨兼副使志羣牧司揔天下馬政其屬

有左右騏驎院分領天駟監天廐坊其蓄病馬有牧

養上下監牧兵校長有提舉指揮使諸監在外者知

州通判兼領各據芻牧列棚井課士卒春夏出牧秋

冬入廐孳息有賞耗亡有罰條教甚備咸平六年

四月乙丑令河北轉運副使兼羣牧事其後歲遣判官循行諸監取孳生駒二歲以上點印之歲約八千餘匹凡飼馬兵校萬六千三十八人坊監諸軍馬二十餘萬匹京城歲市草六十六萬六千餘束料六萬二千餘石諸州之費不與焉左右騏驥院六坊監止留三千餘三月出牧秋冬而入御馬惟備用者在京師牧地擇水草之善者諸坊監總四萬四千四百餘頃諸班軍又三萬九百餘頃凡市馬之處自府州至永康凡十九皆置務歲得五千餘匹

以布泉茶計其直市馬以茶興

國八年 招馬之處則有吐蕃回紇党項諸蕃委邊吏定制

招買估馬司定其價凡二十三等凡御馬有三等其

次給用又有十五等揀中至馬鋪凡馬所出以府州

爲最環慶次之秦渭文雅爲下凡馬羣號十七左右

字至退字毛物九十一種叱撥至騾駃叱撥青白紫
純色及綠鬃

騾爲上驄赭驃騾白赤爲
中在驢騾駃駃駃騾爲下天聖四年九月戊申上

問坊監牧馬幾何王曾曰馬數比五代倍多芻秣之

費歲不下數百萬嘉祐八年羣牧司言孳生監每

監歲定牝馬二千牡馬四百歲約孳生駒四百以爲

定數神宗治平四年八月上謂樞臣文彥博曰羣

牧使判官不久任無以成效令中書擇使彥博舉判

官二十七日

一本云十一月辛丑

元豐五年五月朔官制行

廢羣牧司以職事歸太僕寺建炎三年四月併太僕
于駕部

景德羣牧故事 監牧議 羣牧制置使

景德二年七月庚戌改諸州牧龍坊爲監

從羣牧趙安仁之言

也見前

是月丙辰羣牧判官著作佐郎王晦叔名一

曉上言馬政之設禮經具存國家疇咨近臣特建使

職冀崇舊典用教羣騶將臻魯頌之斯才式賴康侯
之蕃庶小臣是敢采撫舊聞次其類例上自中古下
暨皇家生息之登耗蓄字之訓令至於陰陽拘忌針

烙方書九龍十驥之名稱東門西河之骨法舉其會

要以示紀綱纂成六卷目曰羣牧故事望藏本司備

詳閱上覽之嘉其詳博詔獎之

書目三卷
國史志六卷

四年八

月乙已知密院陳堯叟兼羣牧制置使

時內侍關承
翰爲都監堯

叟辭不許自後
常以樞臣掌之

堯叟著監牧議以獻

述馬政之重
勒

石六名監九月丁亥又置判官一員明道二年五月

十二日罷羣牧制置使景祐二年十月癸亥復置止

以副樞兼寶元二年五月二十三日又罷而復置慶

曆三年六月戊辰復以樞使王貽永兼呂公弼主

任羣牧使治平二年三月與教駿兵七人

葉清臣傳皇祐元年春詔問戰馬乏絕何策可使足用臣在三司陳監牧之弊占良田九萬餘頃歲費錢百萬繕天閑之數才三四萬急有征調不可用莫若賦馬於河北東陝西京東西五路上戶一馬中戶二戶一馬養馬者復其一丁則坐致戰馬二十萬

祥符牧馬法

元年正月二十一日制置使言副指揮使朱峭定牧馬法命鑲板摹賜內外坊監

祥符馬籍定式

祥符元年正月壬午羣牧使言定牧馬法敕下坊監

命刻即給之六月又言內外廢牧月供馬籍未有懲
勸之法今爲定式付之違者有罰從之 二年九月

詔驥驥院及諸坊監馬數自今旬奏月比

省日奏之

繁也

元豐七年五月丙寅

二十日

命兵部比較內外

馬數

詳符牧養監

祥符四年十一月置牧養上下監在京城西開遠門

外馬病者選送

天驕驥驥牧養監
有倉場以受芻粟

熙寧八年三月

裁減兵員

咸平元年十一月戊辰置估馬司在建隆坊納諸州

所市馬 景德元年九月詔估馬司收蕃部省馬以
良駑中分與兩騏驎院 嘉祐五年八月甲申置陝
西鹽馬司七年置買馬司於原渭德順三州

明道端明殿閱馬

明道二年正月乙未御端明殿閱左右騏驎院馬賜
荆王二匹宗室輔臣等各一匹

慶曆宮駿坊

慶曆八年五月癸亥以羣牧司新修宗室馬廄爲宮
駿坊

嘉祐陝西監牧

雍熙端拱於河東陝西河西南川陝京東市馬自趙德

明據河西其牧市唯麟府涇原儀渭秦階環岢嵐火

山保安保德其後止九場

環慶延渭原秦階文州鎮戎軍

咸平六年

二月二日涇原請廢鎮戎市馬務併於平涼上曰買馬之法不惟蕃國馬亦欲招來蕃部以伺敵情不許

七月詔陝西振武兵如河東廣銳例立社馬官給直

以市之天聖初猶得蕃部省馬總三萬四千九百餘

匹

其後他州皆廢惟秦州存每五十匹至百匹爲一券

慶曆二年三月甲子詔

河北沿邊置塲市馬六月命河北籍民馬有須則市

之五年七月以內府帛二十萬於岢嵐市馬六年五

月丙申詔陝西夏安期招蕃部入中戰馬十二月詔保安鎮戎歲市二千匹至和元年十二月羣牧司請市於環保安德順三年八月以三司帛三萬市於府州然馬政不舉言者請更革嘉祐五年七月壬子命翰林學士吳奎戶部副使吳中復度支判官王安石右正言王陶同相度牧馬利害八月奎等言國馬盛衰以所任得失陝西馬價多出解鹽三句銀帛許於漕司易錢委運副薛向擇隙地置監孳養西方不失土性一利也未耕之地不傷民二利也因向之才久任三利也河北諸監可存者易以西馬可廢者賦民

收其入以充費甲申命向專領本路監牧及買馬事
一云鹽馬司於原渭德順置場同州沙苑及鳳翔牧地使臣委向保薦以解鹽交引募蕃商歲可得良馬八千餘三千給邊騎五千入羣牧歐陽修請按左右廂監牧又言河

東岢嵐間唐樓煩監地可置一監及京西唐汝間訪草地置監牧又請遣羣牧司禮賓院官至邊訪蕃部券馬利害從之七年原渭德順置買馬司三年共萬七千一百匹八年秦州永寧寨復置坊 治平四年

六月十九日命劉航等於河北河東陝西度地置監十一月十四日以陝西無在官牧地不置而河東於太原交城縣置監 唐介知太原請於交城縣置監先

是崔台符按汾州得牧地三千二百頃明年春移苑馬五百往牧 熙寧元年八月命河東諸路每五千匹赴衛州監牧二年二月二十二日命王存顧臨閱羣牧之籍具河南北兩監牧司牧地頃畝以聞

元豐二年二月二十九日岷州床川荔川閭川寨通遠軍寨置牧養十監五年七月命王君萬掌熙河新置監牧六年六月一日命於畿內置十監令近臣經度制置七月減歲額增直以市良者十年九月七日御延和殿閱經制牧馬司進諸路馬并左第一監馬駒十二月詔陝西買馬隸經制熙河邊防司

熙寧三年十二月

月詔三年八年八月二十六日罷畿內新置監元
買之萬匹

祐元年二月十六日命郭茂恂度陝西河東置監復
七監畿內十監甫二年而廢牧地尚三千餘頃紹聖
元年七月二十七日復置孳生監

咸平五年二月甲午審刑院定秦州私販馬條例

熙寧元年十月乙卯出奉宸庫珠二千三百四十萬
付河北四樵場鬻之以市馬川秦八場領市馬萬
二千九百九十四匹

熙寧監牧使 孳生監

熙寧元年密院言舊以左右驛院總司國馬景德

中增置羣牧使副都監判官領廢牧之政使領不躬自巡察馬不蕃息欲分置官局乃詔河南北分置監

牧使都監各一員勿隸羣牧九月十六日乙酉命劉

航爲河南監牧使崔台符爲河北監牧使以河南北

馬監並爲孳生監

志馬之孳生係大名府洛衛相州七監

諸馬監分屬

兩使久任以責成效

取總牧地河南六監三萬三千項河北六監二萬三千項

仍專屬制置使

置司河北於大名河

南於河中後徙西京後又隸密院二

年天下應在馬凡十五萬三千六百三十四三年十

二月詔原渭德順軍自今三年買馬三萬匹八年二

月行戶馬法從曾孝寬之請也四月庚寅罷河南北

監牧惟存沙苑一監隸羣牧司餘北京元城等八監
金廢九年五月開封界增六千匹爲額國朝馬政內
有騏驥兩院天駟四監天廢二坊及上下監外則河
南北爲監者十二皆掌於羣牧司至是議廢監元絳
等校利害上之中書密院言河南北十二監起熙寧
二年至五年出馬一千六百四十四匹可給騎兵者二
百六十四而已於是廢以善馬隸諸監元豐三年二
月壬戌立諸路戶馬法初行於京畿王拱辰請行於
諸路詔民間養馬稍復寓兵
於農六月丁巳諸路上其數而戶馬更爲保馬七年
之意二月八日詔京東西每保養五十匹置官提舉五月

二十六日詔已養戶馬免保馬八年四月八日罷戶馬寬保馬限法

熙寧茶馬司

志都大提舉茶馬司凡市馬於蕃夷以茶易之熙

寧七年命成都經畫充秦鳳熙河博馬李杞蒲宗閔

提舉歲買二萬匹

成都記熙寧七年詔李杞蒲宗閔經畫川茶充秦鳳熙河路博馬杞

於秦州宗閔於成都置司元豐四年八月十八日茶

後改名都大提舉茶馬事馬并爲一司郭茂恂爲之增額爲二萬匹

一本六年郭茂恂言

茶司不兼買馬遂倚法以審馬乞併茶場買馬爲一司

六年六月七日詔復分

爲二八年九月十八日又命合治

諜名山蒙頂之珍訪縣耳象籠之駿

紹興七年閏十月復置西和三千六百匹階州五百
則二十七年二月省府所奏歲額也舊制川奏各置
司秦司事畢乃歸川司措置茶幣乾道四年宣撫虞
允文請於鳳州河池置秦司既近宕昌可以察弊從
之 歲給三衛馬三千三百五十歲額共一萬九百
六十六匹

熙寧羣牧編勅

治平四年十二月辛丑

一本二
十七日

命羣牧判官崔台符

劉航刪修羣牧司勅令

一本云條
貫敕令

以唐令及本朝故

事增損刪定熙寧三年五月庚戌

一本云二
十一日

羣牧判

官王誨上羣牧司編敕十三卷

一本云馬條貫十行
二卷一作十三卷

之

元祐三馬圖

元祐初禽鬼章青宜結百官皆賀時西域貢馬首高

八尺龍顛而鳳膺虎脊而豹章出東華門入天駟監

振鬣長鳴萬馬皆瘖父老縱觀以爲未始見也上方

恭默思道八駿在廷未嘗一顧明年羌溫溪心有良

馬不敢進請於邊吏願以餽太師文彥博詔許之蔣

之奇爲熙河帥西蕃有貢駿馬汗血者有司以非入

貢歲月留其馬於邊于時兵革不用海內小康馬則

不遇矣而人稍安蘇軾請於李公麟畫三駿馬之狀而使鬼章青宜結效之爲贊曰八尺龍神超邁若將西燕西瑤帝念民乃下招籥歸雲迷房妖 九馬圖曹將軍霸所繪杜甫作詩拳毛師子二駿在焉贊曰姚宋廟堂李郭治兵帝下毛龍以馭羣英

建炎御馬院

建炎三年六月五日詔御馬院草料依升陽宮例四年七月十八日詔騏驎院差教駿五十人赴御馬院養馬以二百五十人爲額紹興十三年七月十二日

鑄御馬院印

紹興孳生馬監

紹興二年十月戊子朔

一云十月辛卯

置孳生馬監于饒州

以守臣提領仍選使臣五人專主其事擇官田爲牧

地

上謂輔臣呂頤浩復孳生馬監地就水草地命三省樞府措置

三年七月甲戌復

置官提舉四年四月庚寅又置監于臨安之餘杭及

蕩以楊忠憫提點

會要八月十八日置孳生監於餘杭南上下朔

五年三

月庚子罷之

先是三年八月十九日庚子提舉饒州孳生監牧師漸言廣牧地備棚井儲草

料置林木置烽墩濠墾於雙港置牧地

紹興三年六月二十三日

上曰馬政不可緩然須擇人而任之十三年五月癸亥

是月御射殿閱馬

上謂大臣曰議者言南地不宜牧馬朕措

置二三年已得駒數百矣先是蜀中買馬歲什鎮江
牧之十九年正月庚辰分送江上諸軍仍立賞罰後
又置監於郢鄂之間四月六日詔馬五百匹爲一監
牝一而牝四之監分四羣歲產駒三分及斃二分以
上有賞罰市馬南於邕管西於岷黎

隆興元年九月十六日樞使張浚請置孳生監於揚
州十月詔守呂向子固措置二年二月十二日子固
請以一千匹爲一監五月廢 乾道四年正月二十

九日命趙搏於漢陽軍置馬監

以收發馬監為名

十二月七

日四川宣撫使虞允文言京西荆南宜置孳生監六

年三月劉珙於荆南龍居山牧養五百匹六月趙搏
於德安府應城縣置孳生監至九年收監馬六百三
十四五月罷南蕩馬監以田還民一本云乾道四年
一月十九日罷

衛前南蕩孳
生馬監

凡戰馬悉仰川秦廣三邊 建炎四年五月戊辰李

棧請市廣西馬紹興三年正月壬午置司邕州市於

羅縣自杞大理諸蠻 紹興二年初命廣西經略司

即韶州撥內帑錢三十萬緡市戰馬於是神武諸軍

皆缺焉六月癸巳以三百騎賜岳飛癸丑以百騎賜

張俊七月癸亥選千騎赴行在 紹興三年四月辛

邠賜韓世忠廣馬七綱 紹興三年十一月丁丑初

令賓橫宜觀四州守臣顯管買發戰馬如邕州例

乾道元年十月命夔路造舟蜀馬自利州順流而下

明年二月吳璘由水道先發宥昌西馬五十綱三年

十月庚子宣撫允文言均房路比水道減十之九以

圖上之十一月二十九日已罷馬船 乾道秦川

買馬之額歲為萬一千九百匹有奇六年十二月二

十二日兵侍王之奇言蜀馬綱煩費請於成都興元

襄陽各置司牧營詔宣撫使相度 邕州買馬格大

觀中所定有八等今之買馬多出於羅殿自杞諸蠻

而自彼乃以錦綵博於大理世稱廣馬其實非也隨
馬尺寸爲價低昂

橫山寨博馬場互市之制以銀

鹽綵錦相參而行

陝西歲市馬萬有八千而熙秦

通遠十居七八所謂階岷纔四千耳蜀惟黎文叙等
許以互市其數不過階岷西馬增至六千黎文諸郡
俱溢舊額良駑相半效率萬里行者踏於道至者羸
於廩數雖加多用則不足 川秦市馬分爲二一曰
戰馬生於西邊二曰羈縻馬產於西南諸蠻 大理
地連西戎雖互市于廣南猶西馬也

建炎元年六月丙戌李綱議買馬曰今行在之馬不

滿五千丁亥詔文臣許養馬一匹餘官吏士民之有馬者並赴官爲三等價直 建炎四年九月己未韓世忠進馬高五尺一寸却之紹興七年五月廣右進出格馬十匹上留其一餘付殿前司上曰馬之良者不必西北

紹興牧馬監

三年七月己未初置提舉孳生牧馬監官於饒州置司 廠卒二百人 時益市馬於廣西故先擇牧地置官 四年李域遣人入大理國買馬二月乙巳明橐言於邊防未便臣講究買馬之術有七深入蠻國誘之不

惜其直厚有繒絲鹽貨之本待以恩禮要約分明禁止官吏侵欺信賞必罰以督之馬悉歸朝而後付將帥三年正月壬午密院請即邕州置買馬司馬必四尺二寸以上每百匹為一綱自是歲得千匹二月辛

卯初置廣西提舉買馬司於賓州經略司毋得預撥上供封樁內截錢二十七萬緡欽州鹽二百萬斤為買馬費以李預為提舉未幾廢仍以帥臣領歲額一

千五百匹十一年二千四百五十匹師胡舜陟等遷官十三年五月庚申諭大臣曰人言南地不宜牧馬朕自創行雖所養不多方二三年已得駒數百又

曰國家自有故事京城門外便有孳生監每年所得甚多祖宗用意可見也遂即射殿引馬召輔臣同觀之甲子奏牧馬事上曰此事在得人得張建壽付之更無損

仰模圓穹房為駟廐車駕駟服之象炳然森列王者若稽天道嚮明而治牧馬之政廢而不講可乎 園穹炳耀天駟集房滎河出圖龍馬呈瑞古聖觀象因物致用服乘之義蓋取諸隨而乾以震坎俱比類焉馬政之設尚矣有熊御厯車制肇始彤車白馬堯以

示儉虞夏相繼駱黑異鬣遠則萊夷作牧近則甸服
納秭制雖疏簡大略可睹較其種類則穆王騶裒
驊騮蒲梢山子之駿不足筭差其毛物則魯國騶駼
驪駟駟駟駟駟駟駟駟駟駟駟駟駟駟駟駟駟駟駟駟
承華橐泉之廐不足尚量其蕃阜則周泰兩漢之富
不足羨也秉心塞淵駉牝三千思無邪思馬斯徂
汧渭之間未嘗無牧而非子獨能蕃息於周汧隴
之間未嘗無牧而張萬歲獨能蕃息於唐此得人之
效也鄭駟出河南而不可乘唐馬育西戎之地而
多至二百倍以官民通牧者周也牧於民而用於

官者漢也。牧於官而給於民者唐也。國朝始則牧之
在官，後則蓄之於民。又其後則市之於戎狄。伯翳
宐生之德，日磾善養之功。驂象輿配鉤陳，激電
躡景。雙瞳夾鏡，兩權協月。旦刷幽燕，晝秣荆越。
寶鉸星纏，鏤章霞布。紫燕駢衝，綠蛇衛轂。纖驪
接趾，秀騏齊于騰光。吐圖疇德，瑞聖乾象。宣精
馬性，天駟水瑞。挺質馬實，地類稟氣。靈淵受精，皎
片毛御風。蹄踐雪舉，籥雲低噴。沙風駿霧鬣，
矯矯龍性。天骨開張，意態雄傑。駿尾蕭梢，龍駒
沛艾。驥子權奇，赴春衢。整秋御，虬踊螭騰。麟超鳳

翥 房駟之精降爲驪駉絡黃金之羈浴天地之波
鼓鬣雲衢弄影星河飲以玉池秣之瑤草 雲螭

月駟天儲其英余吾渥水地炳其靈 乘黃茲白之

駟 金絡玉珂 神行電邁 史克在珂之頌燕公

監牧之作 戎事之中馬政爲重馬之有牧其來尚

矣 禹貢云萊夷作牧 周官云牧田任遠郊之地

宣王中興有考牧之詩僖公遵伯禽之法有在珂之

頌漢唐之盛苑監實繁 兵家制勝莫如馬步兵雖

多十不當馬軍之一 上昭天廐天駟下列廋人校

人乾道爲良坤元利牝駒從渥水駿發中廬 作屈

產貴其能鳴鴈門多其美春豈止宗生冀北族施汧
西其名則血汗山子桃驂綠耳金喙騰黃騶吾吉光
蒲梢啓服野麋娥鹿白蟻雞斯蜚鴻毋兒遺風騶裏
茲白織離項王之騅苻主之騮桓氏之驄晉侯之駮
魏公絕影唐國驪驪劉之的盧呂之赤菟其狀則八
尺之戎七尺之駮六尺之驕三尺之果下文臂花肩
陰唇白顛握腕作足昆蹄素懸縞州如練紫目如電
有騄有騫有翎有騶鶻駘異羣驪驪亦分散如摘錦
聚若屯雲 鳳臆麟鬣青虬紫燕朝刷閭風夕洗天
泉 於風駟馘於雅車攻或庶幾焉 異體峯生殊

相逸發簡偉塞門獻狀絳闕 鴻驚龍翥 總六轡

以收賢掩七戎而得驥 稟靈月駟祖雲螭兮 效

足中黃 聲八鸞以節步 文駟列于華殿 飾金

鏤之倏爍揚玉鑾之玲瓏 齊飲食視良駑 膺芻

庠涼網惡去害 駕紅陽之飛燕駟唐公之肅爽

服飛兔之中乘躡華蹏之駟輪 臨虛騰雲乘風度

津 神奔電驪星流矢驚 五龍舜駕八駿周驅

綠蛇金策紫燕珂鞍 自天而降行地無疆武籍其

威文榮其德 攬轡舒節凌雲先螭 般于游畋作

鏡前王盥穆武憲文光 月晷呈祥乾維効氣賦景

河房承靈天駟 出余吾之水服踰駘之廢 價匹

龍媒聲齊驥子河精耀采似伏波之鑄銅震象飛文
笑東瀛之刻玉 鉗旦大丙之駕王良造父之御鸞
金絡月逸氣稜稜 虎班龍文之逸蘭池蒲梢之駟

賦中

玉海卷第一百四十九

玉海卷第一百五十

浚儀王應麟伯厚甫

兵制

弓矢 弩

漢天文志觜觿下一星曰天矢天狼下有四星曰

天弧直狼北

隋志弧九星在狼東南天弓也揚雄賦天弧發射

黃帝弓

弧矢

神農弧矢

烏號弓

綦衛箭 谿子弩

易繫辭黃帝堯舜弦木爲弧剡木爲矢弧矢之利以

威天下

一書云神農弦木爲弧剡木爲矢弧矢之利以威四方禮記疏弓矢起於黃帝射侯見

於堯

世本揮作弓夷牟作矢注黃帝臣

吳越春

秋范蠡進善射者陳音越王問射所起音曰黃帝作
弓以備四方後有楚狐父以其道傳羿羿傳逢蒙蒙
傳楚琴氏琴氏傳大魏大魏傳楚三侯麋侯翼侯魏
侯也

漢郊祀志公孫卿曰黃帝采首山銅鑄鼎於

荆山下既成有龍垂胡鬣下迎黃帝上騎羣臣後官
從上龍七十餘人龍廼上去餘小臣不得上廼悉持
龍顛拔墮墮黃帝之弓百姓仰望黃帝既上天乃抱
其弓與龍顛號後世因名其處曰鼎湖其弓曰烏號

相如傳注張揖云黃帝鑄鼎於荆山鼎湖得道而仙
乘龍上天其臣援弓射龍不能於是抱弓而號

列子逢蒙弟子曰鴻超引鳥號之弓綦衛之箭

淮南子射者扞鳥號之弓彎綦衛之箭注綦美箭所

出地名也衛利也鳥號楚有柘桑其材堅勁烏跣其

上及其將飛枝小撓下勁能復起巢鳥隨之鳥不敢

飛號呼其上伐其枝以爲弓因曰鳥號之弓也

漢司馬如

如賦左鳥號之雕弓應劭注同七發亦云

語楚王立鳥號之弓王褒頌逢門子彎鳥號

家又

曰鳥號之弓谿子之弩注谿子爲弩所出國名或曰

谿子蠻夷也以柘桑爲弩或曰谿子揚鄭國善爲弩

匠

蘇秦說韓曰谿子巨黍射六百步之外許慎曰南方谿子蠻夷柘弩

說文琴帝譽舛官

弓正見古官名類

書兌之戈和之弓垂

之竹矢在東房注兌和古巧人垂舜共工疏竹矢蓋

舜時之物

荀子倕作弓浮游作矢

孫卿注垂舜之

子同

共工弓矢舜已前有之倕改制精巧故言作

呂氏

春秋夷羿作弓

墨子羿作弓

山海經少皞生般始爲弓

矢

矢

古史考黃帝作弩

說文弩弓有臂者

吳越春秋陳音

曰弩生於弓弓生於彈

夏繁弱

周繁弱

魯大弓

左傳定四年衛子魚曰成王分魯公以夏后氏之璜封

父之繁弱注封父古諸侯也繁弱大弓名

明堂位封父龜天子

之器也注封父國名

定八年

盜竊寶玉大弓九年夏四月

封寶玉大弓。注：寶王夏后氏之璜大弓。封父之繁弱。

弓王國之分器。得之足以爲榮，失之足以爲辱。注：公羊

大者力
千斤

漢書司馬相如子虛賦：左烏號之雕弓，右

夏服之勁箭。

七發亦有
比二句

注：服虔曰：

一云云
伏儼服盛箭器也。

夏后氏之良弓名繁弱，其矢亦良，即繁弱箭服。故曰

夏服。上林賦：彎蕃弱，滿白羽。注文：穎曰：蕃弱，夏后

氏良弓之名。荀子：繁弱鉅黍，古之良弓也。新序

公孫龍子：楚王張繁弱之弓，載忘歸之矢。

商書：若虞機張。注：機，弩牙也。

夏箛篥楛

禹貢荊州厥貢礪砥砮丹惟箇箛楛注謂砮石名可

爲矢鏃楛木名可爲弩疏魯語曰蕭慎氏貢楛矢石

砮

蕭慎國記曰其地在夫餘國北東濱大海魏略曰把婁一名蕭慎記文曰楛木也今遼左有狀如荆

葉如榆

楛矢石砮白禹以來貢之

顏師古曰楛木爲筈今幽以北皆用之

商彤弓

漢書韋孟詩肅肅我祖國自豕韋彤弓斯征撫寧遐

荒總齊羣邦以翼大商山海經少皞生般始爲弓

矢帝俊賜羿彤弓素矰以扶下國

矰矢名外傳白羽之矰

尚書大傳三適謂之有功賜以車服弓矢

周武王戎弓

穀梁傳定八年冬大弓者武王之戎弓也注武王征

伐之弓

寶玉者封圭也始封之圭周公受賜藏之魯

大戴禮武王弓銘

曰屈伸之義廢興之行無忘自過

左傳楚子曰武

王克商作頌曰載橐弓矢

周六弓 四弩 八矢

夏官司弓矢下大夫二人中士八人掌六弓四弩八

矢之法

注法曲直長短之數

辨其名物而掌其守藏與其出入

中春獻弓弩

成於和

仲秋獻矢箛

成於堅

及其頒之王弓

弧弓以授射甲革楛質者夾弓庾弓以授射豸侯鳥

獸者唐弓大弓以授學射者使者勞者其矢箛皆從

其弓。凡弩夾庾利攻守。唐大利車戰野戰。

注弩無玉

服弦弓六等有王弧弩有夾庾等四種。易氏曰射人十以二耦射。射侯是十與大夫用同夾庾也。

凡矢枉矢絜矢利火射用諸守城車戰殺矢鏃矢用

諸近射田獵矰矢弗矢用諸弋射恒矢庠矢用諸散

射。八矢弓弩各有四在上者屬弓在下者屬弩。天子之弓合九而成規諸

侯合七而成規大夫合五而成規士合三而成規句

者謂之弊弓。規圍之至也。觀成規多少知弓強弱。疏天子之弓王弧諸侯之弓唐大大夫

之弓夾庾士之弓則六凡祭祀共射牲之弓矢澤共

射。楛質之弓矢大射燕射共弓矢如數并夾也。矢籥注

箴盛矢器也。以獸皮爲之。王弧夾庾唐大六者弓異

體之名射甲與權試弓習武也狩侯五十步及射鳥

獸皆近射也近射用弱弓則射大侯者用王弧射參

侯者用唐大矣攻城壘者與其自守者相迫近弱弩

發疾也車戰野戰進退非強則不及弩無王弧王弧

常服弦往體少者使矢不疾八矢者弓弩各有四焉

枉殺增恒弓所用也絜鏃弗庫弩所用也枉矢取名

變星飛行有光或謂之兵矢絜矢象焉二者皆可結

火以射敵殺矢言中則死鏃矢象焉鏃侯也

行葦四鏃既鈞

四鏃如樹注鏃矢參二者皆可以司侯射結繳於矢

亭射禮瓘三棧一

謂之增弗矢象焉二者皆可以弋飛鳥刺羅之也恒

矢安居之矢也庫矢象焉二者皆可以散射謂禮射
及習射也正義勞者勤勞王事晉文侯文公賜之彤
弓旅弓是也四矢配四弩於義爲可四矢配六弓其
數參差故隨事相當而用之 繕人 上士二人下士

四人

掌王之用弓弩矢箛矰弋決拾掌詔王射贊王

弓矢之事

六方之休雖係平分
六弓之用實闕平力

橐人

中士四人
弓

六物爲三等弩四物亦如之矢八物皆三等箛亦如
之春獻素秋獻成書其等以饗工入功于司弓矢及
繕人注三等者上中下人各有所宜弓人職曰弓長
六尺六寸謂之上制上士服之弓長六尺三寸謂之

中制中士服之弓長六尺謂之下制下士服之弩及
矢箠長短之制未聞 圍師射則克楛質 冬官弓

人爲弓取六材必以其時六材旣聚巧者和之幹也
者以爲遠也角也者以爲疾也筋也者以爲深也膠
也者以爲和也絲也者以爲固也漆也者以爲受霜

露也凡取幹之道七柘爲上檉檉桑橘木瓜荆次之

弓之六材以幹爲質幹之七等以堅爲體故取幹以
柘爲上弓以角幹筋爲主三者皆善則爲上二善爲
次一善爲下 相幹欲赤黑而陽聲凡析幹射遠者用執射

深者用直角欲青白而豐末膠欲朱色而昔筋欲小
簡而長大結而澤漆欲測絲欲沈凡爲弓冬析幹而

春液角夏治筋秋合三材寒莫體冰析灑春被弦角

三液而幹再液往體多來體寡謂之夾史音之屬

利射侯與弋往體寡來體多謂之主弓之屬利射華

與質往體來體若一謂之唐弓之屬利射深覆之而

角至謂之句弓注句不用之弓 司弓矢句者謂覆

之而幹至謂之侯弓注射侯之弓 所謂覆之而筋

至謂之深弓注射深之弓 所謂唐弓之屬利射

矢人爲矢鏃矢參分第矢參分第當一在前二在後

爾雅金鏃翦兵矢田矢五分二在前三在後兵矢謂

羽謂之鏃殺矢七分三在前四在後殺當

矢也此二矢亦可殺矢七分三在前四在後殺當

以田田矢謂鏃矢

分其長而殺其一五分其長而羽其一以其筈厚

筈讀

爲爲之羽深水之以辨其陰陽夾其陰陽以設其比

司農云比謂括也夾其比以設其羽參分其羽以設其刃則

雖有疾風亦弗之能憚矣凡相筈欲生而搏同搏欲

重同重節欲䟽同䟽欲臬

筈謂箭臬幹紛胡之筈此材之美者

也

治氏爲殺矢刃長寸圍寸鋌十之

矢人同或以此爲衍文

注殺矢用諸田獵 秋官庭氏以太陰之弓與枉矢

射之 春官大司樂詔諸侯以弓矢舞注舞謂執弓

挾矢揖讓進退之儀 樂師燕射帥射夫以弓矢舞

養老卽是禮射而用鏃矢者此與賓客私宴不與常射同

九和弓

考工記弓人爲弓取六材必以其時

注取幹以冬角

筋膠未聞

六材既聚巧者和之材美工巧爲之時謂之參

均角不勝幹幹不勝筋謂之參均量其力有三均

讀爲

均者三謂之九和九和之弓角與幹權筋三俾

膠三錘絲三郟漆三剡上工以有餘下工以不足爲

天子之弓合九而成規

云云

大和無灑

大和尤良者也

和弓

毖摩

和猶調也

易氏曰九和以角幹筋爲主九者和矣而絲膠漆爲之輔大和者九和之弓也其

體調適何待於灑

周彤弓 彤弧 盧弓

詩彤弓天子錫有功諸侯也

三章章六句

注朱弓也以講

德習射王賜朱弓必策其功以命之箋云諸侯敵王

所愾而獻其功王享禮之於是賜彤弓一彤矢百

玃矢千凡諸侯賜弓矢然後專征代

見左傳甯武子辭及禮記王制

正義周禮無彤弓之名言講德習射則彤弓當唐弓

大弓也唐大是體強弱之名彤盧是色赤黑之異周

尚赤故賜弓赤一黑十以赤爲重服虔曰玃弓當周

禮之王弧以射革質非也

書文侯之命平王錫晉

文侯彤弓一彤矢百盧弓一盧矢百注彤赤盧黑也

諸侯有大功賜弓矢然後專征伐彤弓以講習德射

藏示子孫正義禮司弓矢唐弓大弓以授勞者注謂

勤勞王事若晉文侯文公受王弓矢之賜周東遷之後彤弓之

賜惟及晉文侯文公二人左傳僖二十八年五月己酉王享晉

侯文公賜大輅之服戎輅之服彤弓一赤彤矢百菽

弓矢千黑弓弓十矢千襄八年季武子賦彤弓范宣子曰

先君文公受彤弓于襄王以爲子孫藏昭十五年

王曰襄之二路鍼鉞拒鬯彤弓虎賁文公受之以有

南陽之田公羊何休注禮天子彤弓諸侯彤弓大夫

大夫黑弓禮也行葦彤弓既堅四鐵既鈞舍矢既均疏云彤是畫飾管子輕重丁

篇令天下諸侯朝先王之廟觀於周室者不以彤弓

諸壁者不得入朝

史記燕世家桓公三十五年夏

會諸侯于葵丘周襄王使宰孔賜文武胙彤弓矢大

路下拜受賜

漢班固傳典引曰鋪觀二代並開

於一貴乘其命賜彤弧黃戚之威用討韋顧黎宗之

不恪以二代殷周也周禮九命作伯彤弧赤弓黃戚

黃金飾斧也

博物志徐偃王得朱弓赤矢之瑞

周楷矢

國語

史記漢五行志

魯哀公時有隼集于陳庭楷矢貫之

磬其長尺有咫以陳憲公

史記陳憲公漢志作國

使人問仲尼

仲尼曰隼之來遠矣昔武王克商通道九夷八蠻

各以方賄來貢使無忘職業肅慎

東北夷

貢楛矢石

礮也

以其長尺有咫先王欲昭其今德之致遠以

以示後人使求監焉故銘其楛曰肅慎氏之貢矢以

分大姬配虞胡公而封諸陳古者分同姓以珍玉

親也

韋昭曰王謂若夏后氏之璜

分異姓以遠方職貢使無忘

也故分陳以肅慎氏之貢若求之故府其可得也

物

肅慎東北夷貢庄肅慎氏貢楛矢之屬

又周禮太宰

使求得之金楛如之

魏志

挹婁弓長四尺力如弩矢用楛長尺八寸

石為鏃青龍四年五月丁巳獻楛矢

晉書挹婁有石鏃其利入物

古

肅慎國也

景元三年四月遼東言肅慎遣使

勁弩皆自韓出谿子弩少府時力距來皆射六百步之

外注韓有谿子弩又有少府所造二種之弩谿子弩也出柘

竹弩時力作之得時其材強勁弩距來弩力勁可距來敵〔吳越春秋〕越王令安

廣之人佩石碣之矢張盧生之弩

楚大屈 烏號弓 見上

〔左傳〕昭七年夏四月楚享公好以大屈注弓名疏魯

連書曰大曲之弓釋文服云大曲也賈云寶金可以

為劍出大屈地〔史記〕楚世家楚人以弋說王日出

寶弓落新繳以石傳弋繳曰落析父曰先王熊繹桃弧棘矢

以共禦王事文王克息獲三矢

漢大黃參連弩

李廣傳元狩二年以郎中令將四千騎出右北平

紀在

二年夏

匈奴左賢王將四萬騎圍廣廣爲圍陳外鄉胡

急擊矢下如雨漢矢且盡廣令持滿毋發而廣自以
大黃射其裨將殺數人注服虔曰黃肩弩也孟康曰
太公陷堅却敵以大黃參連弩也晉灼曰黃肩卽黃
間也大黃其大者也師古曰服晉二說是

廣有射法三篇在兵

技巧家

叙傳控弦貫石威動爰臂其善射亦天性

周禮五射參連 六韜陷堅敗敵以大黃參連弩飛

鳧電景矢自副注飛鳧赤莖白羽以鐵爲首電景青

莖赤羽以銅爲首

吳越春秋陳音曰夫射之道從

分望敵合以參連

後漢書陳王寵弩射以參連爲

奇

張衡南都賦黃間機張鏃析毫芒

太白陰經

發弩圖篇曰弩者怒也言其聲勢威嚮如怒穿剛達
堅自近及遠守險塞口破驍陷堅非怒不克

漢連弩

蜀連弩

元戎

漢彊弩

藝文志兵技巧家有望遠連弩射法具十五篇

季

陵傳發連弩射單于注張晏曰三十參共一臂

劉氏曰今

之合

諸葛亮傳性長於巧思損益連弩木牛流馬

皆出其意推演兵法作八陣圖咸得其要

陳壽謂亮立法施度

整理戎旅工械技巧物究其極孔明破張合獲玄鎧五千角弩三千百

魏氏春秋亮

損益連弩謂之元戎以鐵爲矢長八寸一弩十矢俱

發

魏馬鈞巧思絕世見亮連弩曰巧則巧矣未盡善也言作之可令加五倍蜀記晉李興曰推子八

陣不在孫吳木牛之奇則非般模神弩之功一何微妙

魏景初二年春司馬

宣王征公孫淵六月軍至遼東爲發石連弩射城中

魏都賦燕弧盈庫而委勁

唐李元諒節度隴西築連弩臺遠烽

侯爲守備盧耽節度西川爲大旛連弩南詔憚之

六韜豹韜敵武篇太公曰選我材士強弩伏於左右

伏兵積弩射其左右

齊孫臏夾道伏萬弩秦始皇自以連

弩侯射大魚

秦閬中夷人能作白竹之弩

韓出

勁弩 荀子魏氏武卒衣三屬之甲操十二石之弩

負矢五十个 漢兵器以弩為尚將軍有彊弩積弩

之名南郡有發弩官地理志 功臣表室中同以弩將

從入漢 路博德為彊弩都尉 平城之圍護軍中

尉陳平請令彊弩傳兩矢外鄉 夏侯嬰徐行弩皆持

滿外鄉 晁錯謂勁弩長戟匈奴之弓弗能格周勃材

官引彊注如今挽強司馬 申屠嘉以材官蹶張如淳曰蹶強弩張之律有蹶張

士 淮南之反欲以強弩臨江而守 卜式願與臨

蓄習弩者請行死之 李廣之大黃李陵之連弩

陳湯圍質支以鹵楯為前戟弩為後 段會宗入烏

萬曆丁亥年 監生賀本昌刊

孫選精兵三十弩。

耿純選二千人持彊弩各傳二

矢遂破赤眉青犢。

虞詡

武都守

令軍中彊弩勿發而潛

發小弩。羗并兵急攻。使二十彊弩共射一人。發無不

中。何進發太山郡彊弩。韓馥從事將彊弩萬人

屯孟津。段熲與先零戰。令張鏃利刃長矛三重。挾

以彊弩列騎爲左右翼。袁紹擊公孫瓚。以彊弩千

張爲前登。使諸弩就發。曹公征張魯。多出弩以射

其營。楊琰爲兵車張弓弩。順帝永建元年十月

丁亥。調五營弩師郡舉五人教習戰射。

五營五校也。

炙轂子云。夷牟製角弩馬上用之。步敵則木弩。漢軍

有八牛弩以射楚營矢及千里 東京賦璣弩注徐

廣車服志曰輕車置弩於軾上載以屬車 李尤有

弩銘云忘戰者危極武者傷前聖制弓後世造弩弩生

於 崔寔政論曰兵器精利有蔡太僕之弩龍亭之

劍至今擅名天下 博古圖漢弩機銘二十七字曰

延光三年閏月書言府作六石機郭公鍛賢令磨守

丞躬乘鉅史訓王 又銀錯弩機六 蔡邕云與州疆弩

陳王寵善弩射十發十中疆弩數千張出軍而國

人不敢叛公孫弘議禁民挾弓弩而弩十石以上不

得出關 弓弩持滿抱弩負蘭見於周亞夫韓延壽

之傳班弩貢旃見於東京之賦

曠弩

遊弩

南越志龍川有銅弩牙父老云越王弩營處也 會

稽典錄鍾離牧謂朱育曰吳神鋒弩射三里 吳呂

蒙據濡湏塢置疆弩萬張於其上以拒曹公 吳獲

晉孟幹吳人愛蜀側竹弩幹言能作吳皓留付作部

漢路弓乘矢

郊祀志元鼎四年六月得鼎 云云 路弓乘矢集獲壇

下注韋昭曰路大也乘四也師古曰於壇下獲弓矢

之應 詳見寶鼎

河東賦曠天狼之威弧 校獵賦天弧發射逢蒙列

昔弄氏控弦 韓安國傳弧弓 𦏧獵

以木曰弧
以角曰弓

漢賜弓矢

匈奴傳 甘露二年正月單于朝賜以弓一張矢四發

服虔曰發十二矢也韋昭曰射禮三而止
每射四矢故以十二爲一發發猶放也

後傳建

武二十八年賜匈奴弓韃韞一矢四發

漢虎賁弓

楊政傳 候車駕持章救范升虎賁舉弓射之不去

續漢書 朱穆爲侍御史桓帝臨辟雍行禮畢公卿出

虎賁置弓階上公卿下階避弓穆過呵虎賁曰執天子器何故投於地虎賁怖卽攝弓穆奏劾虎賁抵罪

漢彫弓

東京賦至於射宮決拾既次彫弓斯張注薛綜曰謂有刻畫也

漢角端弓

續漢書鮮卑有野馬原羊角端牛以角爲弓世謂之

角端弓

說文角端獸也出胡休多國端音端前書音義角端似牛角可爲弓

陳琳武

庫賦弓則烏號越棘繁弱角端象彌繡質 劉劭趙

都賦其器用則六弓四弩綠沈黃間堂谿魚腸丁令角端

中山王焉傳顯宗報曰今五國各官騎百人稱妮前

行皆北軍胡騎便兵善射弓不空發中必決皆 陳
球守零陵弦大木爲羽矛爲矢引機發之遠射千
餘步 陸康爲高成令縣在邊陲舊制令戶一人具
弓弩以備不虞

漢箭

飛矛

射師

見射類

耿恭傳永平十八年二月北匈奴攻金蒲城恭爲戍
已都尉以毒藥傅矢語匈奴曰漢家箭神其中創者
必有異虜中矢者視創皆涕大驚匈奴震怖相謂曰
漢兵神真可畏也遂解去 東觀記光武作飛蟲箭

攻赤眉

方言曰三鎌長六尺謂之飛蟲

周禮注

司弓矢

枉矢者取名

變星飛行有光今之飛矛是也或謂之兵矢繫矢象
焉二者皆可結火以射敵守城車戰正義按轉人云
弧旌枉矢以象弧也漢時名此以爲飛矛廣成頌注
枉矢於天

狼寇恂傳守河內伐淇園之竹爲矢百餘萬南
蠻傳其民戶出雞羽三十鏃

衡山王作鍛矢 膠東王作鏃矢注大鏃之
矢今兵箭

魏百官名曰三公拜日賜鶡尾鶡尾鶡箭十二枚

魏楛矢

見上 文帝典論自叙曰建安十年始定冀州濊貊
貢良弓燕代獻名馬時和風扇物弓燥手柔獵于鄴

西項發口縱俯馬蹄而仰月支弓不虛彎所巾必洞

晉神弩

弓銘

輿服志中朝大駕鹵簿以神弩二十張夾道其五張
神弩置一將左右各二將又有由基一行納弩一行
弩一陣官志二衛前驅由基疆弩爲三部司馬

馬隆請募勇士限腰引弩三十六鈞弓四鈞立標簡
試義熙六年十二月劉裕擊盧循軍中多萬鈞神
弩所至莫不摧折潘岳閑居賦元戎禁營谿子巨
黍異黍同機礮石雷駭激矢螽飛魏韋孝寬定

功弩

晉嵇含木弓銘曰弦弧走括截飛駭止射隼高牆出
必有擬旣以禦侮亦以招王 李尤良弓銘 江統
弧矢銘幽都筋角會稽竹矢易以獲隼詩以殪兕伐
叛柔服用威不戢

後魏武庫大弓

梁弓

後魏書奚康生彎弓十石梁聞康生能引彊弓特作
大弓兩張長八尺把中圍尺一寸箭麤殆如今之長
笛送康生康生平射猶有餘力卽表送置之武庫
梁杜嶷佩四石霜明朱弓 羊侃馬上用六石弓

昭明太子弓矢讚

唐天策府大弓長矢 武庫大弓

劉黑闥傳初秦王建天策府其弧矢制倍於常逐黑闥也爲突厥所窘自以大箭射卻之突厥得箭傳觀以爲神後餘大弓一長矢五藏之武庫世世寶之每

郊丘重禮必陳于儀物之首以識武功

舊史云討黑闥於肥鄉有

一突將勇壯絕人直衝太宗刃將接太宗以天策上將大箭射之中心洞背應弦而蹙遂傳此箭於北番突厥見而驚嘆高祖紀云武德五年三月丁未秦王及黑闥戰洛水敗之亡入于突厥太宗紀云五年敗黑闥於洛州丙申復取相州二紀不同

太宗紀武德四年五月壬戌

執竇建德戊辰降王世充六月凱旋七月甲子至長安被金甲陳鐵騎萬介士三萬前後鼓吹獻俘于太

廟高祖以謂功高古官號不足以稱十月己丑乃加
 號天策上將領司徒陝東道大行臺尚書令位在王
 公上賜袞冕金輅雙壁黃金六十斤前後鼓吹九部
 之樂班劍四十人儀衛志太宗平東都破金剛執賀
 魯克高麗皆備軍容凱歌入京師
 其禮儀不傳
 武德二年十一月秦王屯柏壁以大

羽箭殪賊將杜甫丹青引猛將腰間大羽箭貞觀元年閏三月壬

申上謂蕭瑀曰朕少好弓矢得良弓十數近以示弓

工曰木心不直則脉理皆邪弓雖勁而發矢不直

太宗詠弓詩上弦明月半激箭流星遠落鴈帶書驚

啼猿映枝轉楊師道和云霜重麟膠勁風高月影圓

唐四弓 七弩

六典武庫令弓之制有四長弓角弓梢弓格弓弩弓之制有七璧張弩角弓弩木單弩大木單弩竹竿弩大竹竿弩伏遠弩箭之制有四竹箭木箭兵箭弩箭注漢有連弩射法周禮八矢

唐御弓

見射類

官志備身左右掌執御弓矢

禮志千牛

備身二人奉御弓及矢立於東階上西面千牛將軍奉弓郎將奉矢

唐漆弓

王忠嗣傳爲將持重安邊常曰平世爲將撫衆而已
有漆弓百五十斤每發之示無所用士氣盛思戰時
出奇兵襲敵所向無不克軍每出召屬長付以兵使
授士卒弓矢亦誌姓名軍還遺弦亡鏃按名第罪時

河東節
度使

唐憶弩

儀衛志親王鹵簿憶弩一一品二品四品萬年令皆
有之 宋朝志漢京兆尹司隸前驅持弓以射窺者
今制每弩加箭二有鞞盡雲氣弓箭每弓加箭二有
鞞同憶弩

杜甫詩貞觀銅牙弩開元錦獸張

唐伏遠弩

兵志開元十二年更長從宿衛名曠騎十二年曠騎

分隸十二衛總十二萬爲六番內弩手六千官志諸衛有弩

手左右驍衛各八十五人餘衛各又擇勇者爲番頭

頗習弩射又有羽林軍飛騎亦習弩伏遠弩自能

施張縱矢三百步臂張弩二百三十步皆四發而二

中角弓弩二百步四發而三中單弓弩一百六十步

四發而二中皆爲及第諸軍近營爲朔士有便習者

教試之及第者有賞六典武庫令弩之制有七

擘張弩。二角弓弩。三木單弩。曰大木單弩。五竹竿弩。

六大竹竿弩。七伏遠弩。注蔡邕曰。冀州強弩。幽州突

騎。天下之精也。漢書有遠望連弩射法十五篇。陳騫

王寵見敬王諸葛亮連弩。擘張小弩。步兵所用。角弓

弩。騎兵所用。木單竹竿伏遠等。其力益大。所及漸遠。

四弩名物。周典是掌材官。蹶張。漢制具備。黃之。以黃亮之。連弩。擊軍經武鳥。可缺此。武經總

要。弩者中國之勁兵。四夷所畏服也。古者有黃連百

竹八擔。雙弓之號。絞車擘張馬弩之差。今有參弓合

蟬手射小黃。皆其遺法。若乃射堅及遠。爭險守隘。怒

聲勁勢。遏衝制突者。非弩不克。

唐靜塞弩

張雲咸通解圍錄南蠻有執旗者傳城發靜塞弩貫之西蜀弩名尤多大者莫逾連弩十矢謂之羣鴉一矢謂之飛槍通呼爲摧山弩卽孔明所謂元戎也又有八牛威邊定戎靜塞弩崔安潛乞洪州弩手

教蜀人用弩選千人號神機宮

高崇文討蜀未下

李吉甫言宣洪蘄鄂強弩號天下精兵

韓滉運米

饋李晟船置十弩相警捍又於宣州教習長兵鑄軍

器王栖曜爲浙西將以強弩三千涉水夜入寧陵

希烈不知晨朝矢集帳前驚曰江淮弩士至矣遂不

三海卷一百五十一
三子寸
敢東

杜牧注孫子云五兵之利無如弧矢之利以威天下五兵同致天獨有弧矢星聖人獨言弧矢能威天下不言他兵何也蓋戰法利於弧矢者非得陣不見其利故黃帝險於蚩尤以中夏車徒制夷虜騎士此乃弧矢之利也

太平興國連弩

見講武類 四年九月己亥幸新城西南隅觀新募鐵林卒習射強弩

至道賜弓

至道元年三月己巳上御崇政殿召殿前指揮使御龍官數百輩射於殿前詔銀州牙校張浦觀焉先是趙保吉遣其弟延信入貢上賜二弓皆力及一石六斗已上但威示戎虜而已非有人能挽至是衛士皆引滿平射有餘力上問浦戎人敢敵否浦奏曰蕃部弓弱矢短豈敢拒敵十一月己未上閱武於便殿衛士挽弓有一石五斗者矢二十發綽有餘力

太平興國二年九月乙未幸造弓箭院賜工役人錢

帛 李覺劾韓愈毛穎傳作竹穎傳以獻

竹穎者矢也

太宗嘉之

咸平賜弓

咸平二年十二月戊午次澶州權駐蹕幸甲仗庫壬戌賜輔臣甲冑弓劍

咸平木羽弩箭 火箭

咸平元年六月丁酉馬軍都頭石歸宋進木羽弩箭以木爲幹爲翎長尺餘所激甚遠入鎧甲則箝去而鏃留牢不可拔蕃戎畏之願多造以給邊用上命衛士試之五年九月戊午石普言能發火毬火箭上名至崇政殿試之輔臣同觀先是開寶二年三月馮繼昇岳義方上火箭法試之錫東帛 天禧三年五月

京西漕減奎請改制木弩風雨箭

國語吳有白羽朱羽烏羽之贈 上林賦滿白羽注
文穎曰以白羽爲箭 北齊鄭基削木爲箭剪紙爲
羽

景德漆弩

景德元年六月給步軍虎翼兵隨身黑漆寸札弩常
令調習 舊止給殿前虎翼

景德連弩

元年十一月甲戌幸澶州王師成列李繼隆等伏勁
弩分據要害周文質部下以連弩射殺撻覽戎人遁

二年正月甲戌以文質爲殿頭高品

康定鏃弓

康定元年范恪試武技爲慶州北路巡檢恪有弓勝一石七斗其箭鏃如鏃名曰鏃弓又於箭羽間識其官稱姓氏臨敵所發必中至一箭貫二人虜畏之實錄

慶曆四年韓琦上言臣至邊嘗定弓弩挽強蹠硬射親格願下諸軍立賞肄習春秋各一閱詔頒教諸軍是年賜鄜延總管風羽子弩箭三十萬 二年楊偕請教騎兵止射九斗至七斗三等弓畫的爲五暈去的二十步引滿卽發中者視暈數給錢爲賞 五

年范仲淹請以帶甲射一石充奇兵餘自九斗至一斗第爲三等力及等卽升之詔著爲法

皇祐御弓

皇祐六年

卽至和元年時未改元

二月己巳王德用爲樞密使

是歲契丹使者來德用與之射曰天子以公典樞密而用富公爲相得人矣語聞上喜賜御弓一矢五十

皇祐衝陣無敵流星弩

又見車戰

皇祐元年三月丁酉知忻州郭諮獻獨轆衝陣無敵

流星弩

諮有巧思爲兵械簡要可用

四月知澧州宋守信獻衝陣

無敵流星弩拒馬牌火鎌石火鋼三刃山字鐵甲漆

槍野戰拒馬刀弩寨脚車衝敵劍輪無敵車大風翎

弩箭凡八種甲子御崇政殿閱之

州校李錫持獻四命爲三班差使

年三月丙寅河北河東陝西言郭諮所進獨轅衝陣無敵流星弩可備軍陣用詔弓弩院製之尋以諮爲鄜延幹轄給所製弩五百募士兵教之旣成經畧使夏安期言其便詔置獨轅弩軍 熙寧七年二月十二日戎監請勿造獨轅衝陣弩以神臂弓代之

熙寧神臂弓

熙寧元年十二月庚申二十大內副都知張若水進所造神臂弓初民李宏獻此弓其實弩也以壓爲身

槽為梢鐵蹬鎗頭銅為馬面牙發麻解索扎絲為弦
弩身通長三尺二寸兩弭各長九寸二分兩閃各長
一尺一寸七分弛長四寸通長四尺五寸八分弦長
二尺五寸箭木羽長數寸時於玉津園校驗射二百
四千餘步穿榆木沒半斨有司并箭奏御詔依式製
造至是進馬御延和殿臨閱置鐵甲七十步俾衛士
射未有中者若水自請引弓連中七年九月二十一
日軍器監與三衛定造狼牙箭鴟箭請依式製之
八年二月癸酉詔私有及私造神臂弓者如私造弩
法十一月十六日軍器監再造神臂弓蝎尾牙發及

箏柱弩牙發等式 元豐六年八月十五日以神臂
弓千箭十萬給環慶元符二年二月八日王峴請增
造歲約增一千七十五張大觀元年十二月十六日
吳擇仁奏神臂弓實天授神考以甚利之器所向摧
圯夷狄莫能當二年三月十四日御筆謂射遠攻堅
所向無前可謂利器使敵人習而能之非中國利令
民間不得習製出師教射緘於匣貯之別庫 神臂
弓銘云呂嚴羽衛蘭錡設張欽飛共服洞扎穿揚呂
肅戎容材官效技電激星流敵膽摧褫大黃誇漢伏
遠耀唐豈若茲弓制作之良

熙寧弓式 軍器制度

熙寧元年十二月二十二日以内臣張若水閣門使李評提舉編擇增修弓弩若水造神臂弓六年六月二十七日己亥初置軍器監以三司曹案爲監命呂惠卿曾孝寬判之制度皆著爲式凡一百十卷雜材一軍器七十四件物二十一雜物四添修及製造弓弩式十卷七月甲寅置內弓箭南庫儲御前所製七年正月十二日庚戌惠卿等上裁定中外所獻槍刀樣又上編成弓式初京師及諸路戎器雜惡河朔尤甚至所製兵械皆精利其後詔以新造軍器付諸

路爲式遣官分諭之

二云六年十一月遣著佐朱伯虎等付諸州爲式

元

豐四年七月二十一日涇原經畧言按武經總要有三弓八牛床子弩射及二百餘步用一槍三劍箭最爲利器攻守皆可用戎監言弩重千餘斤難致乃圖其樣頒之舊止有大小合蟬床子弩六年八月二十一日參定城隍守具制度十二月命編修軍器什物法制蔡碩爲軍器少監

元豐賜烏菑弓

元豐六年九月丁巳

十五日

止批付劉昌祚所進器械

具悉今賜卿金線烏菑弓一神臂弓二七年三月庚

戊手詔又賜昌祚金線烏弣弓

元豐床子弓 插弣弓

六年七月辛卯

十九日

工部郎中范子奇言軍器監創

床子大弓二強於神臂弓獨轅弩較之九牛弩尤輕

便用人少射遠而深可禦敵詔比試以聞

舊宋子弩射止七百

步魏丕增造至千步

二年四月十九日止聞尹抃能爲弓能

辨六材命乘驛赴闕五年八月抃造插弣弓

熙寧八年十二月二十三日命湖南北制木弓弩七

千給廣右七年五月二十七日詔造入陣弓箭依上

中下軍分三等上等弓四尺八寸五分箭二尺八寸

五分中下弓第減一寸五分箭第減一寸

宋朝制勝強遠弓

和詵徽宗時知雄州上制勝強遠弓式施行之弓能破堅於三百步外邊人號爲鳳凰弓

紹興克敵弓 破胡弓

先是紹興三年十月上謂輔臣曰造弓必用良工今御前所造弓其直八千可以爲式宜令軍器所及張俊軍中分造十一年六月乙亥詔有司造克敵弓乃韓世忠所獻也五月上謂輔臣曰世忠宣撫淮東日與虜戰常以此弓勝金賊朕取觀之誠工巧然猶

未盡善朕籌累日乃少更之遂增二石之力而減數

斤之重今方盡善後有作者無以加矣乃命殿前司

閱習七月丁巳詔能貫甲踰三石弓施三十矢者進

秩一等三石五斗者倍之十九年正月巳酉宰執言

春教踏射克敵弓乞依格推賞上曰山弓最爲強勁

雖被重甲亦須洞徹若得萬人習熟何可當也一本十九

年正月巳酉詔楊存中以克敵弓雖勁而士病蹶張

之難乃增損舊制造馬黃弩制度精密彼一矢未竟

而此三發矣二十六年閏十月十八日詔克敵弓射

遠徹札非弩可比降樣令建康都統王權軍製造以

習射克敵弓斗力雄勁可洞犀象貫七札十一月五日內軍器庫降克敵弓一千箭十萬付權軍 韓世

忠之制兵器凡今跳澗以習騎洞貫以習射後猊之

鏊連鎖之甲斧之有掠陣弓之有克敵皆世忠之遺

法

漢之大黃莫喻其強魯之僕姑莫伴其良

劉錡傳紹興十年五月虜

兵逼順昌城以破胡弓射之翼以神臂弓強弩射之虜稍稍引去 十五年三月二十一日甲子上曰頃在京師見內庫所藏弓箭皆太宗真宗所製經歷百年記識如新蓋造作精善也

建炎二年三月丁酉初立大小使臣試弓馬出官格

凡五等 三年三月張浚請於沿江置強弩營

紹興賜北使弓矢

十三年十二月癸卯有司進呈賜北使弓矢上以其不精工命出內庫所造者賜之翌日諭大臣曰此朕自指教雖軍中人亦未必能之賜予使人不惟觀美兼器械之良亦使遠人畏服

隆興木羽弩箭 乾道木鶴弩

隆興元年六月十四日御寶封木羽弩箭百四隻下樞密院江浙荆閩諸路製百萬 乾道九年閏正月二日衢州張子顏造木鶴弩二千箭十萬

製

破千天營施之校

射命官視閣以中奠賞

聖政 淳熙十三年二月乙

卯步軍都虞候梁師雄奏射鐵簾合格官兵人數上
曰聞射鐵簾諸軍鼓躍奮勵誠是作成士氣周必大
等奏以此法激勸人人皆勝兵矣上曰然

引有緣者謂之弭以金者謂之鈇以蜚者謂之班以

王者謂之珪弓末曰簫簫梢也又謂之弭中央曰

弣簫弣之間曰淵弣畫弓也梢角弓弧木弓彊弓

曲繚便利彊急張弣彊貌彊滿有所嚮也弩柄曰

臂鉤弦者曰牙牙外曰郭下曰懸刀合名之曰機

矢謂之箭又謂之鏑

關西曰箭江淮謂之鏃

六材七幹之妙參鈞九和之美繡質良材烏號徑理

晉平七札顏高六鈞麟膠棘竹燕角楚筋

吳淑弓

句越之箛會稽之美寶東房之垂竹藏陳庭之

矢夏服忘歸三鏃八法舍之如破東之其搜魯莊僕

姑鴻超綦衛飛鳧電影毒鐵焦銅

箭賦

飲石梁

宋景

公為弓公張弓東面而射矢踰西霜之山

定天山

薛仁

集彭城之東其餘力逸勁猶飲羽於石梁

貴破鐵勒軍中歌曰

手提威弧雄入九軍

將軍三箭定天山

貴育
絕髓挽不能寸控弦鳴鏑日規為小犇星激電入

侵一掃

左落挽槍右射天狼聲如摧山萬衆莫當

漢箭有神震疊葷粥勁執似之大屈在楚寶執

並之繁弱鎮魯析幹液角漆測絲沈筋膠參均冠

古窮今材官蹶張伏飛省括力勁執倍六均難埒

天弧煌煌九星炳著決拾既伙射必中鵠巧

穿七札力倍六鈞繁弱武庫有掩前聞弦鳴鴈落虎

發石裂星九爲弧乾度炳輝憲天惟聖觀象取睽

禹師既班繁弱真名周矢載橐乃立弓人月滿

星流中石飲羽赤羽蜻蛚之箭綠沈白象之弭

園穹宣精弧星曜武河圖畫卦剡矢取睽董薄

白羽之箭燕角綠沈之弓養叔之復一矢顏高之

持六鈞。左鳥號右青莖。麟膠驚羽。箭起六麋
鋒摧九虎。麋興麗箭。鴈落驚弦。舉長矢兮射天
狼。象弧彫服。金機鳴鏑。弓翻滿月。

玉海卷第百五十